

楞嚴經

一
函
二
冊
函

大佛頂如來密目修證了義諸菩薩萬行首
楞嚴經卷第一

唐天竺沙門般刺密帝譯

烏菴國沙門彌伽擇迦譯語

菩薩戒弟子前正議大夫同中書門下平章事清河房融筆授

如是我聞一時佛在室羅筏城祇桓精舍與
大比丘衆千二百五十人俱皆是無漏大阿
羅漢佛子住持善超諸有能於國土成就威
儀從佛轉輪妙堪遺囑嚴淨毗尼弘範三界

應身無量度脫衆生。拔濟未來越諸塵累。其
名曰。大智舍利弗。摩訶目犍連。摩訶拘絺羅。
富樓那。彌多羅尼子。須菩提。優波尼沙陀等。
而為上首。復有無量辟支無學。并其初心同
來佛所。屬諸比丘。休夏自恣。十方菩薩咨決
心疑。欽奉慈嚴。將求密義。即時如來敷座宴
安。為諸會中宣示深奧。法筵清衆。得未曾有。
迦陵仙音徧十方界。恒沙菩薩。聚道場。文

殊師利而為上首。時波斯匿王於其父王諱
日營齋。請佛宮掖。自迎如來。廣設珍羞。無上
妙味。兼復親延諸大菩薩。城中復有長者居
士。同時飯僧。佇佛來應。佛勅文殊。分領菩薩
及阿羅漢。應諸齋主。唯有阿難。先受別請。遠
遊未還。不遑僧次。既無上座。及阿闍梨。途中
獨歸。其日無供。即時阿難。執持應器。於所遊
城次第循乞。心中初求。最後檀越。以為齋主。

無問淨穢。剝利尊姓。及梅陀羅。方行等慈。不
擇微賤。發意圓成。一切衆生。無量功德。阿難
已知。如來世尊。訶須菩提。及大迦葉。為阿羅
漢。心不均平。欽仰如來。開闡無遮。度諸疑謗。
經彼城隍。徐步郭門。嚴整威儀。肅恭齋法。尔
時阿難。因乞食次。經應娑室。遭大幻術。摩登
伽女。以娑毗迦羅。先梵天呪。攝入娑席。娑躬
撫摩。將毀戒體。如來知彼。姪術加。齋畢旋

歸。王及大臣長者居士。俱來隨_於願聞法要。
于時世尊頂放百寶無畏光明。光中出生千
葉寶蓮。有佛化身結跏趺坐。宣說神咒。勅文
殊師利將咒往護。惡咒銷滅。提獎阿難及摩
登伽歸來佛所。

阿難見佛。頂禮悲泣。恨無始來。一向多聞未
全道力。殷勤啟請十方如來得成菩提。妙奢
摩_觀它_三。摩_禪那_最。初方便。於時復有恒沙菩

薩及諸十方大阿羅漢辟支佛等俱願樂聞。
退坐默然。承受聖旨。佛告阿難。汝我同氣。情
均天倫。當初發心。於我法中。見何勝相。頓捨
世間深重恩愛。阿難白佛。我見如來三十二
相。勝妙殊絕。形體映徹。猶如瑠璃。常自思惟。
此相非是欲愛所生。何以故。欲氣麤濁。腥臊
交遘。膿血雜亂。不能發生勝淨妙明。紫金光
聚。是以渴仰。從佛剝落。佛言。善。阿難。汝等

當知一切衆生。從無始來。生死成續。皆由不
知常任真心性。淨明體。用諸妄想。此想不真。
故有輪轉。汝今欲研無上菩提。真發明性。應
當直心。誦我所問。十方如來。同一道故。出離
生死。皆以直心。心言直故。如是乃至終始地
位。中間永無諸委曲相。阿難。我今問汝。當汝
發心。緣於如來三十二相。將何所見。誰為愛
樂。阿難。白佛言。世尊。如是愛樂。用我心目。由

目觀見如來勝相。心生愛樂。故我發心。願捨
生死

佛告阿難。如汝所說。真所愛樂。因於心目。若
不識知心目所在。則不能得降伏塵勞。譬如
國王為賊所侵。發兵討除。是兵要當知賊所
在。使汝流轉。心目為咎。吾今問汝。唯心與目
今何所在。阿難白佛言。世尊。一切世間十種
異生。同將識心。居在身內。縱觀如來青蓮華

眼。亦在佛面。我今觀此浮根四塵。祇在我面。如是識心。實居身內。佛告阿難。汝今現坐如來講堂。觀祇陀林。今何所在。世尊。此大重閣清淨講堂。在給孤園。今祇陀林實在堂外。阿難。汝今堂中先何所見。世尊。我在堂中先見如來。次觀大衆。如是外望。方矚林園。阿難。汝矚林園。因何有見。世尊。此大講堂戶牖開豁。故我在堂得遠瞻見。爾時世尊在大衆中舒

金色臂摩阿難頂。告示阿難及諸大眾。有三
摩提。名大佛頂首楞嚴王。具足萬行。十方如
來。一門超出。妙莊嚴路。汝今諦聽。阿難頂禮
伏受慈旨。佛告阿難。如汝所言。身在講堂。戶
牖開豁。遠矚林園。亦有衆生在此堂中。不見
如來。見堂外者。阿難答言。世尊。在堂不見如
來。能見林泉。無有是處。阿難。汝亦如是。汝之
心靈。一切明了。若汝現前所明了心。實在身

阿難應如此答
此知心實居身
內由神氣而
得了然於空
後觀南字居
地由中而泉而
得悉知機由外
一切電云

內。尔時先合了知內身。頗有衆生先見身中。
後觀外物。縱不能見心肝脾胃。爪生髮長。筋
轉脉搖。誠合明了。如何不知。必不內知。云何
知外。是故應知汝言覺了能知之心。住在身
內。無有是處。

阿難稽首而白佛言。我聞如來如是法音。悟
知我心實居身外。所以者何。譬如燈光。然於
室中。是燈必能先照室內。從其室門。後及庭

際。一切衆生不見身中。獨見身外。亦如燈光
居在室外。不能照室。是義必明。將無所惑。同
佛了義。得無妄耶。佛告阿難。是諸比丘。適來
從我室羅筏城。循乞搏食。歸祇陀林。我已宿
齋。汝觀比丘一人。食時。諸人飽不。阿難答言。
不也。世尊。何以故。是諸比丘。雖阿羅漢。軀命
不同。云何一人。能令衆飽。佛告阿難。若汝覺
了知見之心。實在身外。身心相外。自不相干。

眼是心之所見
夫則心之所見
言外之意

則心所知。身不能覺。覺在身際。心不能知。我
今示汝兜羅綿手。汝眼見時。心分別不。阿難
答言。如是。世尊。佛告阿難。若相知者。云何在
外。是故應知汝言。覺了能知之心。住在身外。
無有是處。

阿難白佛言。世尊。如佛所言。不見內故。不居
身內。身心相知。不相離故。不在身外。我今思
惟。知在一處。佛言。處今何在。阿難言。此了知

心既不知內，而能見外。如我思忖，潛伏根裡。猶如有人取琉璃椀，合其兩眼。雖有物合，而不留礙。彼根隨見，隨即分別。然我覺了能知之心，不見內者，為在根故。不明瞞外，無障礙者，潛根內故。佛告阿難，如汝所言，潛根內者，猶如琉璃。彼人當以琉璃籠眼，當見山河見琉璃。不如是世尊。是人當以瑠璃籠眼，實見琉璃。佛告阿難，汝心若同琉璃合者，當見山

河。何不見眼。若見眼者。眼即同境。不得成隨。若不能見。云何說言此了知心。潛在根內。如瑠璃合。是故應知。汝言覺了能知之心。潛伏根裏。如琉璃合。無有是處。

阿難白佛言。世尊。我今又作如是思惟。是衆生身。腑藏在中。竅穴居外。有藏則暗。有竅則明。今我對佛。閉眼見明。名為見外。閉眼見暗。名為見內。是義云何。佛告阿難。汝當閉眼見。

暗之時。此暗境界。為與眼對。為不對眼。若與眼對。暗在眼前。云何成內。若成內者。居暗室中。無日月燈。此室暗中。皆汝焦腑。若不對者。云何成見。若離外見。內對所成。合眼見暗。名為身中。開眼見明。何不見面。若不見面。內對不成。見面若成。此了知心。及與眼根。乃在虛空。何成在內。若在虛空。自非汝體。即應如來。今見汝面。亦是汝身。汝眼已知。身合非覺。必

汝執言。身眼兩覺。應有二知。即汝一身。應成
兩佛。是故應知。汝言見暗。名見內者。無有是
處。

阿難言。我常聞佛。開示四衆。由心生故。種種
法生。由法生故。種種心生。我今思惟。即思惟
體。實我心性。隨所合處。心則隨有。亦非內外
中間三處。佛告阿難。汝今說言。由法生故。種
種心生。隨所合處。心隨有者。是心無體。則無

所合。若無有體而能合者。則十九界。因七塵。合。是義不然。若有體者。如汝以手自捏其體。汝所知心。為復內出。為從外入。若復內出。還見身中。若從外來。先合見面。阿難言。見是其眼。心知非眼。為見非義。佛言。若眼能見。汝在室中。門能見不。則諸已死。尚有眼存。應皆見物。若見物者。云何名死。阿難。又汝覺了。能知之。心。若必有體。為復一體。為有多體。今在汝

身為復徧體。為不徧體。若一體者。則汝以手
捏一支時。四支應覺。若成覺者。捏應無在。若
捏有所。則汝一體自不能成。若多體者。則成
多人。何體為汝。若徧體者。同前所捏。若不徧
者。當汝觸頭。亦觸其足。頭有所覺。足應無知。
今汝不然。是故應知。隨所合處。心則隨有。無
有是處。

阿難白佛言。世尊。我亦聞佛與文殊等諸法

王子談實相時。世尊亦言心不在內。亦不在外。如我思惟。內無所見。外不相知。內無知。故復在內不成。身心相知。在外非義。今相知。故復在內。無見。當在中間。佛言。汝言中間。中必不迷。非無所在。今汝推中。中何為在。為復在處。為當在身。若在身者。在邊非中。在中同內。若在處者。為有所表。為無所表。無表同無。表則無定。何以故。如人以表。表為中時。東看則西南

觀成北。表體既混。心應雜亂。阿難言。我所說
中。非此二種。如世尊言。眼色為緣。生於眼識。
眼有分別。色塵無知。識生其中。則為心在。佛
言。汝心若在根塵之中。此之心體。為復兼二。
為不兼二。若兼二者。物體雜亂。物非體知。成
敵兩立。云何為中。兼二不成。非知不知。即無
體性。中何為相。是故應知。當在中間。無有是
處。

阿難白佛言。世尊。我昔見佛與大目連。須菩
提。富樓那。舍利弗。四大弟子共轉法輪。常言
覺知。分別心性。既不在內。亦不在外。不在中
間。俱無所在。一切無著。名之為心。則我無著
名為心不。佛告阿難。汝言覺知。分別心性。俱
無在者。世間。虛空。水陸。飛行。諸所物象。名為
一切。汝不着者。為在。為無。無則同於龜毛兔
角。云何不着。有不著者。不可名無。無相則無。

非無則相。相有則在。云何無著。是故應知一切無著。名覺知心。無有是處。

爾時阿難在大衆中。即從座起。偏袒右肩。右膝著地。合掌恭敬。而白佛言。我是如來最小之弟。蒙佛慈愛。雖今出家。猶恃嬌憐。所以多聞未得無漏。不能折伏娑毗羅咒。為彼所轉。溺於婬舍。當由不知真際。所詣。惟願世尊大慈哀愍。開示我等奢摩它路。令諸闍提。隳彌

戾車。作是語已。五體投地。及諸大眾。傾渴翹
佇。欽聞示誨。爾時世尊從其面門。放種種光。
其光晃曜。如百千日。普佛世界。六種震動。如
是十方微塵國土。一時開現。佛之威神。令諸
世界合成一界。其世界中所有一切諸大菩
薩。皆住本國。合掌承聽。佛告阿難。一切衆生
從無始來。種種顛倒業種自然。如惡叉聚。諸
脩行人不能得成無上菩提。乃至別成聲聞。

緣覺及成外道諸天魔王及魔眷屬皆由不知二種根本。錯亂脩習。猶如煮沙欲成嘉饌。縱經塵劫終不能得。云何二種。阿難。一者無始生死根本。則汝今者與諸衆生用攀緣心為自性者。二者無始菩提涅槃元清淨體。則汝今者識精元明。能生諸緣。緣所遺者。由諸衆生遺此本明。雖終日行而不自覺。枉入諸趣。阿難。汝今欲知奢摩它路。願出生死。今復

問汝。即時如來舉金色臂。屈五輪指。語阿難言。汝今見不。阿難言見。佛言。汝何所見。阿難言。我見如來舉臂。屈指為光明拳。曜我心目。佛言。汝將誰見。阿難言。我與大眾同將眼見。佛告阿難。汝今答我。如來屈指為光明拳。曜汝心目。汝目可見。以何為心。當我拳曜。阿難言。如來現今徵心所在。而我以心推窮尋逐。即能推者。我將為心。佛言。咄。阿難。此非汝心。

阿難矍然避座。合掌起立白佛。此非我心。當
名何等。佛告阿難。此是前塵。虛妄相想。惑汝
真性。由汝無始。至于今生。認賊為子。失汝元
常。故受輪轉。

阿難白佛言。世尊。我佛寵弟。心愛佛故。令我
出家。我心何獨供養如來。乃至徧歷恒沙國
土。承事諸佛。及善知識。發大勇猛。行諸一切
難行法事。皆用此心。縱令謗法。永退善根。亦

因此心。若此發明不是心者。我乃無心。同諸
土木。離此覺知。更無所有。云何如來說此非
心。我實驚怖。兼此大衆。無不疑惑。惟垂大
悲。開示未悟。爾時世尊開示阿難。及諸大衆。欲
令心入無生法。忍於師子座。摩阿難頂而告
之言。如來常說諸法所生。唯心所現。一切目
果。世界微塵。回心成體。阿難。若諸世界一切
所有。其中乃至草葉縷結。詰其根元。咸有體

性。縱令虛空。亦有名貌。何況清淨妙淨明心。
性一切心。而自無體。若汝執恠不別覺觀。所
了知性。必為心者。此心即應離諸一切色香
味觸諸塵事業。別有全性。如汝今者。永聽我
法。此則曰聲。而有分別。縱滅一切見聞覺知
內守幽閒。猶為法塵。不別影事。我非救汝執
為非心。但汝於心微細揣摩。若離前塵。有不
別性。即真汝心。若不別性。離塵無體。斯則前

塵分別影事。塵非常住。若變滅時。此心則同
龜毛兔角。則汝法身。同於斷滅。其誰修證。無
生法忍。即時阿難與諸大衆。默然自失。佛告
阿難。世間一切諸修學人。現前雖成九次第
定。不得漏盡。成阿羅漢。皆由執此。生死妄想。
誤為真實。是故汝今。雖得多聞。不成聖果。
阿難聞已。重復悲淚。五體投地。長跪合掌。而
白佛言。自我從佛發心出家。恃佛威神。常自

思惟無勞我脩。將謂如來惠我三昧。不知身心本不相代。失我本心。雖身出家。心不入道。譬如窮子。捨父逃逝。今日乃知。雖有多聞。若不修行。與不聞等。如人說食。終不能飽。世尊我等今者。二障所纏。良由不知。寐常心性。惟願如來。哀愍窮露。發妙明心。開我道眼。即時如來。從胸卍字。涌出寶光。其光晃昱。有百千色。十方微塵普佛世界。一時周徧。徧灌十方。

所有寶剎。諸如來頂。旋至阿難。及諸大眾。告
阿難言。吾今為汝建大法幢。亦令十方一切
衆生。獲妙微密性淨明心得清淨眼。阿難。汝
先答我見光明拳。此拳光明。目何所有。云何
成拳。汝將誰見。阿難言。由佛全體闡浮檀金
髻如寶山。清淨所生。故有光明。我實眼觀。五
輪指端屈握示人。故有拳相。佛告阿難。如來
今日實言告汝。諸有智者。要以譬喻而得開

悟阿難。譬如我拳。若無我手。不成我拳。若無
汝眼。不成汝見。以汝眼根。例我拳理。其義均
不。阿難言。唯然。世尊。既無我眼。不成我見。以
我眼根。例如來拳。事義相類。佛告阿難。汝言
相類。是義不然。何以故。如無手人。拳畢竟滅。
彼無眼者。非見全無。所以者何。汝試於途。詢
問盲人。汝何所見。彼諸盲人。必來答汝。我今
眼前。唯見黑暗。更無他矚。以是義觀。前塵自

暗見何虧損。阿難言。諸盲眼前。唯觀黑暗。云
何成見。佛告阿難。諸盲無眼。唯觀黑暗。與有
眼人。處於暗室。二黑有別。為無有別。如是世
尊。此暗中人。與彼羣盲。二黑校量。曾無有異。
阿難。若無眼人。全見前黑。忽得眼光。還於前
塵。見種種色。名眼見者。彼暗中人。全見前黑。
忽獲燈光。亦於前塵。見種種色。應名燈見。若
燈見者。燈能有見。自不名燈。又則燈觀。何關

汝事。是故當知燈能顯色。如是見者。是眼非
燈。眼能顯色。如是見性。是心非眼。

阿難雖復得聞是言。與諸大眾。口已默然。心
未開悟。猶冀如來慈音宣示。合掌清心。佇佛
悲誨。爾時世尊舒兜羅綿網。相光手。開五輪
指。誨勅阿難及諸大眾。我初成道於鹿園中。
為阿若多五比丘等。及汝四眾言。一切眾生
不成菩提。及阿羅漢。皆由客塵煩惱所誤。汝

等當時因何開悟。今成聖果。時憍陳那起立
白佛。我今長老。於大眾中獨得解名。曰悟客
塵二字成果。世尊。譬如行客。投寄旅亭。或宿
或食。宿食事畢。俶裝前途。不遑安住。若實主
人。自無攸往。如是思惟。不住名客。住名主人。
以不住者。名為客義。又如新霽。清暘升天。光
入隙中。發明空中。諸有塵相。塵質搖動。虛空
寂然。如是思惟。澄寂名空。搖動名塵。以搖動

者名為塵義。佛言。如是。即時如來於大眾中
屈五輪指。屈已復開。開已又屈。謂阿難言。汝
今何見。阿難言。我見如來百寶輪掌。眾中開
合。佛告阿難。汝見我手眾中開合。為是我手
有開有合。為復汝見有開有合。阿難言。世尊
寶手眾中開合。我見如來手自開合。非我見
性有開有合。佛言。誰動誰靜。阿難言。佛手不
住。而我見性尚無有靜。誰為無住。佛言。如是。

如來於是從輪掌中飛一寶光在阿難右。即
時阿難迴首右盼。又放一光在阿難左。阿難
又則迴首左盼。佛告阿難。汝頭今日因何搖
動。阿難言。我見如來出妙寶光來我左右。故
左右觀。頭自搖動。阿難汝盼佛光。左右動頭
為汝頭動。為復見動。世尊。我頭自動。而我見
性尚無有止。誰為搖動。佛言。如是。於是如來
普告大眾。若復眾生以搖動者。名之為塵。以

不住者名之為客。汝觀阿難頭自動搖。見無
所動。又汝觀我手自開合。見無舒卷。云何汝
今以動為身。以動為境。從始洎終。念念生滅。
遺失真性。顛倒行事。性心失真。認物為已。輪
迴是中。自取流轉。

大佛頂如來密曰修證了義諸菩薩萬行首
楞嚴經卷第一

音釋

佛

也具云佛陀梵語也

菩薩

具云菩提薩多有情

首楞嚴者

切梵語也涅槃經云首楞者名一切事究

竟堅

如是

聞一時以信聞時主處衆六

成就

義科上四字下三字為二句讀之按

龍勝

論云世尊將入涅槃時阿泥盧豆教

阿難

問佛未來要事者有四阿難問曰如

來滅

後一切經首當立何言世尊答曰當

置如

是我聞一時六字為句此其四問之

也故

今以一時二字聯上句佛字綴下

文室

羅筏云梵語也華言豐德或云聞物或

房發

祇桓精舍太子名桓即林華言戰勝即

林中也有此
精舍也
比丘
梵語也
華
阿羅漢
梵語也

供謂應受
人天供養
毘尼
梵律法也
華言
範
音犯也
累
力

切繫
縛也
舍利弗
梵語也
華言
鷲子
云身子

稀慧解過人
故云大智
摩訶目犍連
梵語也
華言
摩

訶拘締羅
利弗舅也
華言
大膝
舍
富樓那
彌

多羅尼子
梵語也
富樓那
華言
滿父
名也
尼女

聲也連父母
召云滿慈子
須菩提
梵善吉也
華言
空生
或

優波尼沙陀
梵語也
華
辟支
梵語也
華
屬

音燭會也
迦陵頻伽
仙禽也
佛聲也
如其音和
文殊師

利梵語也
吉祥華
波斯匿王
梵語也
華言
勝君

羅城諱音晦也
宮掖
之內庭也
羞修佇
音直呂切

阿難言梵語也
華
遑音皇暇也
上座
同華上下

阿闍黎於眾中而作軌範故
應器
多羅華

言應量器色與體
循音檀越
梵語也
華
刹

利尊姓
梵語刹帝利華言田主
旃陀羅
梵語

魁也華言殺者即
大迦葉
梵語也
華
隍音皇

水曰池無惶摩登伽梵語是此娼女名本娑毘迦羅

梵語也華言先梵天名咒咒菩提梵語也華

奢摩它梵語也三摩鉢提華言觀也禪那梵

也華言講古候摩阿難頂以上愛下則摩

接三摩提三昧華言正定搏度官數吊苦

二切挫真栗切偏袒袒肉袒也闍提涅槃

信不具闍云信提云不具隳音毀彌戾車也華

見言惡惡叉聚樹名其子形如此方杏仁魔

具云魔羅
華言殺者
涅槃
言不生也
華
咄
當沒切
矍然

上居縛切
驚愕
避座
逸起
悵
恪音揣
初委切
閻浮

檀
樹名
赭
許力切
詢
新音
旅亭
止客舍也
侏
音

始也
阿若多
梵語也
霽
濟音
暘
陽音
隙
綺義切
盼
匹

視切
也願
乐
音
晃
音
昱
音
憍
陳那
言梵語也
器
華

大佛頂如來密目修證了義諸菩薩萬行首
楞嚴經卷第二

唐天竺沙門般刺密帝譯

爾時阿難及諸大眾聞佛示誨身心忝然念
無始來失却本心妄認緣塵不別影事今日
開悟如失乳兒忽遇慈母合掌禮佛願聞如
來顯出身心真妄虛實現前生滅與不生滅
二發明性時波斯匿王起立白佛我昔未承

諸佛誨勅。見迦梅延毗羅胝子。咸言此身死
後。斷滅。名為涅槃。我雖值佛。今猶狐疑。云何
發揮證知。此心不生滅地。今此大衆。諸有漏
者。咸皆願聞。佛告大王。汝身現在。今復問汝。
汝此肉身為同金剛。常住不朽。為復變壞。世
尊。我今此身終從變滅。佛言。大王。汝未曾滅
云。何知滅。世尊。我此無常變壞之身。雖未曾
滅。我觀現前念念遷謝。新新不住。如火成灰。

漸漸銷殞。殞亡不息。决知此身當從滅盡。佛言如是。大王。汝今生齡已從衰老。顏貌何如。童子之時。世尊。我昔孩孺。膚腠潤澤。年至長成。血氣充滿。而今頽齡迫於衰耄。形色枯悴。精神昏昧。髮白面皺。逮將不久。如何見比充盛之時。佛言。大王。汝之形容應不頓朽。王言。世尊。變化密移。我誠不覺。寒暑遷流。漸至於此。何以故。我年二十。雖號年少。顏貌已老。初

十歲時。三十之年。又衰二十。于今六十。又過
于二。觀五十時。宛然強壯。世尊我見。密移雖
此殂落。其間流易。且限十年。若復令我微細
思惟。其變寧唯一紀二紀。實為年變。豈唯年
變。亦兼月化。何直月化。兼又日遷。沉思諦觀。
剎那剎那。念念之間。不得停住。故知我身終
從變滅。佛告大王。汝見變化遷改。不傳。悟知
汝滅。亦於滅時。汝知身中。有不滅耶。波斯匿

王合掌白佛。我實不知。佛言。我今示汝不生
滅性。大王。汝年幾時見恒河水。王言。我生三
歲。慈母携我謁耆婆天。經過此流。尔時即知
是恒河水。佛言。大王。如汝所說二十之時。衰
於十歲。乃至六十。日月歲時。念念遷變。則汝
三歲見此河時。至年十三。其水云何。王言。如
三歲時。宛然無異。乃至於今年六十二。亦無
有異。佛言。汝今自傷髮白面皺。其面必定皺。

於童年。則汝今時觀此恒河。與昔童時觀河之見。有童耄不。王言不也。世尊。佛言。大王。汝面雖皺。而此見精性未曾皺。皺者為變。不變非變。變者受滅。彼不變者。元無生滅。云何於中受汝生死。而猶引彼未伽梨等。都言此身死後全滅。王聞是言。信知身後捨生趣生。與諸大眾踊躍歡喜。得未曾有。

阿難即從座起。禮佛合掌長跪白佛。世尊。若

此見聞必不生滅。云何。世尊名我等輩遺失
真性。顛倒行事。願興慈悲。洗我塵垢。即時如
來垂金色臂。輪手下指。示阿難言。汝今見我
母陀羅手為正為倒。阿難言。世間衆生以此
為倒。而我不知誰正誰倒。佛告阿難。若世間
人以此為倒。即世間人將何為正。阿難言。如
來豎臂。兜羅綿手上指於空。則名為正。佛即
豎臂。告阿難言。若此顛倒。首尾相換。諸世間

人一倍瞻視。則知汝身與諸如來清淨法身
比類發明。如來之身名正徧知。汝等之身號
性顛倒。隨汝諦觀汝身佛身稱顛倒者。名字
何處。號為顛倒。于時阿難與諸大眾瞪瞽瞻
佛目睛不瞬。不知身心顛倒所在。佛興慈悲
哀愍阿難。及諸大眾。發海潮音。徧告同會。諸
善男子。我常說言。色。心。諸緣。及心所使。諸所
緣法。唯心所現。汝身。汝心。皆是妙明真精妙

心中所現物。云何汝等遺失本妙圓妙明心。
寶明妙性。認悟中迷。晦昧為空。空晦暗中。結
暗為色。色雜妄想。想相為身。聚緣內搖。趣外
奔逸。昏擾擾相。以為心性。一迷為心。決定惑
為色身之內。不知色身外。洎山河虛空大地。
咸是妙明真心中物。譬如澄清百千大海。棄
之。唯認一浮漚體。目為全潮窮盡瀛渤。汝等
即是迷中倍人。如我垂手等無差別。如來說

為可憐愍者

阿難承佛悲救。深誨垂泣。叉手而白。佛言。我雖承佛如是妙音。悟妙明心。元所圓滿常住心地。而我悟佛現說法音。現以緣心。乞所瞻仰。徒獲此心。未敢認為本元心地。願佛哀愍。宣示圓音。拔我疑根。歸無上道。佛告阿難。汝等尚以緣心聽法。此法亦緣。非得法性。如人以手指月示人。彼人目指當應看月。若復觀

指以為月體。此人豈唯亡失月輪。亦亡其指。何以故。以所標指為明月故。豈唯亡指。亦復不識明之與暗。何以故。即以指體為月明性。明暗二性無所了故。汝亦如是。若以不別我說法音為汝心者。此心自應離不別音。有不別性。譬如有客寄宿旅亭。暫止便去。終不常住。而掌亭人。都無所去。名為亭主。此亦如是。若真汝心。則無所去。云何離聲無不別性斯。

則豈唯聲分別心。分別我容。離諸色相。無分別性。如是乃至分別都無。非色非空。拘舍離等昧。為冥諦。離諸法緣。無分別性。則汝心性各有所還。云何為主。阿難言。若我心性各有所還。則如來說妙明元心。云何無還。惟垂哀憊。為我宣說。佛告阿難。且汝見我。見精明元。此見雖非妙精明心。如第二月。非是月影。汝應諦聽。今當示汝無所還地。阿難。此大講堂

洞開東方。日輪升天。則有明曜。中夜黑月。雲霧晦暝。則復昏暗。戶牖之隙。則復見通。墻宇之間。則復觀壅。分別之處。則復見緣。頑虛之中。徧是空性。鬱埽之象。則紆昏塵。澄霽歛氛。又觀清淨。阿難。汝咸看此諸變化相。吾今各還本所因處。云何本曰。阿難。此諸變化。明還日輪。何以故。無日不明。明日屬日。是故還日。暗還黑月。通還戶牖。壅還墻宇。緣還分別。頑

虛還空鬱埒還塵。清明還霽。則諸世間一切
所有。不出斯類。汝見八種見精明性。當欲誰
還。何以故。若還於明。則不明時。無復見暗。雖
明暗等種種差別。見無差別。諸可還者。自然
非汝。不汝還者。非汝而誰。則知汝心本妙明
淨。汝自迷悶。喪本受輪。於生死中常被漂溺。
是故如來各可憐愍。

阿難言。我雖識此見性無還。云何得知是我

真性。佛告阿難。吾今問汝。今汝未得無漏清
淨。承佛神力。見於初禪。得無障礙。而阿那律
見閻浮提。如觀掌中菴摩羅果。諸菩薩等。見
百千界。十方如來。窮盡微塵。清淨國土。無所
不覩。衆生洞視。不過分寸。阿難。且吾與汝。觀
四天王所住宮殿。中間徧覽水陸空行。雖有
昏明種種形像。無非前塵。分別留礙。汝應於
此。分別自他。今吾將汝。擇於見中。誰是我體。

誰為物象阿難。極汝見源。從日月宮。是物非
汝。至七金山。周徧諦觀。雖種種光。亦物非汝。
漸漸更觀雲騰鳥飛。風動塵起。樹木山川草
芥人畜。咸物非汝。阿難。是諸近遠。諸有物性。
雖復差殊。同汝見精。清淨所矚。則諸物類。自
有差別。見性無殊。此精妙明。誠汝見性。若見
是物。則汝亦可見吾之見。若同見者。名為見
吾。吾不見時。何不見吾不見之處。若見不見。

自然非彼不見之相。若不見吾不見之地。自然非物。云何非汝。又則汝今見物之時。汝既見物。物亦見汝。體性紛雜。則汝與我并諸世間不成安立。阿難。若汝見時。是汝非我。見性周徧。非汝而誰。云何自疑汝之真性。性汝不真。取我求實。

阿難白佛言。世尊。若此見性必我非餘。我與如來觀四天王勝藏寶殿。居日月宮。此見周

圓徧娑婆國。退歸精舍。祇見伽藍。清心戶堂。但瞻簷廡。世尊。此見如是。其體本來周徧一界。今在室中。唯滿一室。為復此見縮大為小。為當墻宇夾令斷絕。我今不知斯義所在。願垂弘慈。為我敷演。佛告阿難。一切世間大小內外諸所事業。各屬前塵。不應說言見有舒縮。譬如方器。中見方空。吾復問汝。此方器中所見方空。為復定方。為不定方。若定方者。別

安圓器。空應不圓。若不定者。在方器中。應無方空。汝言不知斯義所在。義性如是。云何為在。阿難若復欲令入無方圓。但除器方。空體無方。不應說言更除虛空。方相所在。若如汝問入室之時。縮見令小。仰觀日時。汝豈挽見齊於日面。若築墻宇。能夾見斷。穿為小竇。寧無續跡。是義不然。一切衆生。從無始來。迷已為物。失於本心。為物所轉。故於是中觀大觀。

小。若能轉物。則同如來身心圓明。不動道場。
於一毛端。徧能含受十方國土。

阿難白佛言。世尊。若此見精。必我妙性。今此
妙性。現在我前。見必我真。我今身心。復是何
物。而今身心。分別有實。彼見無別。分辨我身。
若實我心。令我今見。見性實我。而身非我。何
殊如來。先所難言。物能見我。惟垂大慈。開發
未悟。佛告阿難。今汝所言。見在汝前。是義非

實。若實汝前。汝實見者。則此見精。既有方所。非無指示。且今與汝坐祇陀林。徧觀林渠。及與殿堂。上至日月。前對恒河。汝今於我師子座前。舉手指陳。是種種相。陰者是林。明者是日。礙者是壁。通者是空。如是乃至草樹纖毫。大小雖殊。但可有形。無不指著。若必其見。現在汝前。汝應以手確實指陳。何者是見。阿難。當知。若空是見。既已成見。何者是空。若物是

見既已。是見。何者。為物。汝可微細披剝。萬象
析出。精明淨妙。見元。指陳示我。同彼諸物。分
明無惑。阿難言。我今於此重閣講堂。遠洎恒
河。上觀日月。舉手所指。縱目所觀。指皆是物。
無是見者。世尊。如佛所說。况我有漏。初學聲
聞。乃至菩薩。亦不能於萬物象前。剖出精見。
離一切物。別有自性。佛言。如是如是。佛復告
阿難。如汝所言。無有見精。離一切物。別有自

性則汝所指是物之中無是見者。今復告汝。汝與如來坐祇陀林。更觀林苑。乃至日月種種象殊。必無見精受汝所指。汝又發明此諸物中何者非見。阿難言我實徧見此祇陀林。不知是中何者非見。何以故。若樹非見。云何見樹。若樹即見。復云何樹。如是乃至若空非見。云何見空。若空即見。復云何空。我又思惟。是萬象中微細發明。無非見者。佛言。如是如。

是於是大衆非無學者。聞佛此言。茫然不知
是義終始。一時惶悚。失其所守。如來知其魂
慮變懼。心生憐愍。安慰阿難及諸大衆。諸善
男子。無上法王是真實語。如所如說。不誑不
妄。非末伽梨四種不死矯亂論議。汝諦思惟。
無忝哀慕。

是時文殊師利法王子。愍諸四衆。在大衆中
即從座起。頂禮佛足。合掌恭敬。而白佛言。世

尊。此諸大衆不悟。如來發明二種精見。色空。是非是義。世尊。若此前緣。色空等象。若是見者。應有所指。若非見者。應無所矚。而今不知是義所歸。故有驚怖。非是疇昔善根輕歎。惟願如來大慈發明。此諸物象。與此見精。元是何物。於其中間。無是非。是佛告文殊。及諸大衆。十方如來。及大菩薩。於其自住三摩地中。見與見緣。并所想相。如虛空華。本無所有。此

見。及緣。元是菩提妙淨明體。云何於中有是
非是。文殊。吾今問汝。如汝文殊。更有文殊。是
文殊者。為無文殊。如是。世尊。我真文殊。無是
文殊。何以故。若有是者。則二文殊。然我今日
非無文殊。於中實無是非二相。佛言。此見妙
明。與諸空塵。亦復如是。本是妙明。無上菩提
淨圓真心。妄為色空。及與聞見。如第二月。誰
為是月。又誰非月。文殊。但一月真。中間自無

是月非月。是以汝今觀見與塵種種發明。名為妄想。不能於中出是非。由是真精妙覺明性。故能令汝出指非指。

阿難白佛言。世尊。誠如法王所說覺緣徧十

方界。湛然常住。性非生滅。與先梵志娑毗迦羅所談冥諦。及投灰等諸外道種說。有真我徧滿十方。有何差別。世尊亦曾於楞伽山為大慧等敷演斯義。彼外道等常說自然。我說

曰緣。非彼境界。我今觀此覺性自然。非生。非滅。遠離一切虛妄顛倒。似非曰緣。與彼自然。云何開示不入羣邪。獲真實心。妙覺明性。佛告阿難。我今如是開示方便。真實告汝。汝猶未悟惑。為自然。阿難。若必自然。自須甄明。有自然體。汝且觀此妙明見中。以何為自。此見為復以明為自。以暗為自。以空為自。以塞為自。阿難。若明為自。應不見暗。若復以空為自。

體者。應不見塞。如是乃至諸暗等相。以為自
者。則於明時。見性斷滅。云何見明。阿難言。必
此妙見。性非自然。我今發明。是曰緣生。心猶
未明。咨詢如來。是義云何。合曰緣性。佛言。汝
言曰緣。吾復問汝。汝今曰見。見性現前。此見
為復曰明有見。曰暗有見。曰空有見。曰塞有
見。阿難。若曰明有。應不見暗。如曰暗有。應不
見明。如是乃至曰空曰塞。同於明暗。復次阿

難。此見又復緣明有見。緣暗有見。緣空有見。緣塞有見。阿難。若緣空有。應不見塞。若緣塞有。應不見空。如是乃至緣明緣暗。同於空塞。當知如是精覺妙明。非因非緣。亦非自然。非不自然。無非不非。無是非離一切相。即一切法。汝今云何於中措心。以諸世間戲論名相而得分別。如以手掌撮摩虛空。祇益自勞。虛空云何隨汝執捉。

阿難白佛言。世尊。必妙覺性。非目非緣。世尊云。何常與比丘宣說見性具四種緣。所謂目空。目明。目心。目眼。是義云何。佛言。阿難。我說世間諸目緣相。非第一義。阿難。吾復問汝。諸世間人說我能見。云何名見。云何不見。阿難言。世人目於日月燈光。見種種相。名之為見。若復無此三種光明。則不能見。阿難。若無明時。名不見者。應不見暗。若必見暗。此但無明。

云何無見。阿難。若在暗時。不見明故。名為不見。今在明時。不見暗相。還名不見。如是二相俱名不見。若復二相自相陵奪。非汝見性於中。輒無。如是則知二俱名見。云何不見。是故阿難。汝今當知。見明之時。見非是明。見暗之時。見非是暗。見空之時。見非是空。見塞之時。見非是塞。四義成就。汝復應知。見見之時。見非是見。見猶離見。見不能及。云何復說。目緣

自然。及和合相。汝等聳聞狹劣無識。不能通達清淨實相。吾今誨汝。當善思惟。無得疲怠。妙菩提路。

阿難白佛言。世尊。如佛世尊為我等輩宣說。目緣。及與自然。諸和合相。與不和合。心猶未開。而今更聞見見非見。重增迷悶。伏願弘慈。施大慧目。開示我等覺心明淨。作是語已。悲淚頂禮。承受聖旨。尔時世尊憐愍阿難。及諸

大衆將欲敷演大陀羅尼諸三摩提妙脩行
路。告阿難言。汝雖強記。但益多聞。於奢摩他
微密觀照心猶未了。汝今諦聽。吾當為汝分
別開示。亦令將來諸有漏者。獲菩提果。阿難。
一切衆生輪迴世間。由二顛倒。分別見妄。當
處發生。當業輪轉。云何二見。一者衆生別業
妄見。二者衆生同分妄見。云何名為別業妄
見。阿難。如世間人。目有赤青。夜見燈光。別有

圓影。五色重疊。於意云何。此夜燈明所現圓光。為是燈色。為常見色。阿難。此若燈色。則非青人何不同見。而此圓影唯青之觀。若是見色。見已成色。則彼青人見圓影者名為何等。復次阿難。若此圓影離燈別有。則合傍觀屏帳几筵有圓影出。離見別有。應非眼瞞云何。青人目見圓影。是故當知。色實在燈。見病為影。影見俱青。見青非病。終不應言是燈是見。

於是中有非燈非見。如第二月。非體非影。何以故。第二之觀。捏所成故。諸有智者。不應說言。此捏根元是形。非形離見非見。此亦如是。目眚所成。今欲名誰是燈。是見。何況分別非燈非見。云何名為同分妄見。阿難。此闇浮提除大海水。中間平陸有三千洲。正中大洲。東西括量。大國凡有二千三百。其餘小洲在諸海中。其間或有三兩百國。或一。或二。至于三

十。四十五十。阿難。若復此中有一小洲。祇有
兩國。唯一國人。同感惡緣。則彼小洲。當土衆
生。覩諸一切不祥境界。或見二日。或見兩月。
其中乃至暈適。珮玦。慧孛。飛流。負耳。虹蜺。種
種惡相。但此國見。彼國衆生。本所不見。亦復
不聞。阿難。吾今為汝。以此二事。進退合明。阿
難。如彼衆生。別業妄見。曠燈光中。所現圓影。
雖現似境。終彼見者。目眚所成。眚即見勞。非

色所造。然見青者。終無見咎。例汝今日以目
觀見山河國土。及諸衆生。皆是無始見病所
成。見與見緣。似現前境。元我覺明。見所緣青。
覺見即青。本覺明心。覺緣非青。覺所覺青。覺
非青中。此實見見。云何復名覺聞知見。是故
汝今見我及汝。并諸世間十類衆生。皆即見
青。非見青者。彼見真精。性非青者。故不名見。
阿難。如彼衆生。同分妄見。例彼妄見別業一

人一病目入。同彼一國。彼見圓影。青妄所生。此衆同分所現不祥。同見業中瘴惡所起。俱是無始見妄所生。例閻浮提三千洲中。兼四大海娑婆世界。并洎十方諸有漏國。及諸衆生。同是覺明無漏妙心。見聞覺知。虛妄病緣。和合妄生。和合妄死。若能遠離諸和合緣。及不和合。則復滅除諸生死。曰。圓滿菩提。不生滅性。清淨本心。本覺常住。

阿難。汝雖先悟本覺妙明。性非目緣。非自然性。而猶未明。如是覺元。非和合生。及不和合。阿難。吾今復以前塵問汝。汝今猶以一切世間妄想和合諸目緣性。而自疑惑。證菩提心和合起者。則汝今者妙淨見精。為與明和。為與暗和。為與通和。為與塞和。若明和者。且汝觀明當明。現前何處雜見。見相可辨。雜何形像。若非見者。云何見明。若即見者。云何見見。

必見圓滿。何處和明。若明圓滿。不合見和。見必異明。雜則失彼性明。名字雜失明性。和明非義。彼暗與通。及諸羣塞。復如是。復次阿難。又汝今者。妙淨見精。為與明合。為與暗合。為與通合。為與塞合。若明合者。至於暗時。明相已滅。此見即不與諸暗合。云何見暗。若見暗時。不與暗合。與明合者。應非見明。既不見明。云何明合。了明非暗。彼暗與通。及諸羣塞。

亦復如是。阿難白佛言。世尊。如我思惟。此妙覺元。與諸緣塵。及心念慮。非和合耶。佛言。汝今又言覺非和合。吾復問汝。此妙見精。非和合者。為非明和。為非暗和。為非通和。為非塞和。若非明和。則見與明必有邊畔。汝且諦觀何處是明。何處是見。在見在明。自何為畔。阿難。若明際中必無見者。則不相及。自不知其明相所在。畔云何成。彼暗與通及諸羣塞。亦

復如是。又妙見精。非和合者。為非明合。為非
暗合。為非通合。為非塞合。若非明合。則見與
明性相乖角。如耳與明了不相觸。見且不知
明相所在。云何甄明合非合理。彼暗與通及
諸羣塞。亦復如是。

阿難。汝猶未明一切浮塵諸幻化相。當處出
生。隨處滅盡。幻妄稱相。其性真為妙覺明體。
如是乃至五陰。六入。從十二處。至十八界。自

緣和合。虛妄有生。目緣別離。虛妄名滅。殊不能知生滅去來本。如來藏常住妙明不動周圓妙真如性。性真常中。求於去來。迷悟生死。了無所得。

阿難云。何五陰本如來藏。妙真如性。阿難。譬如有人以清淨目。觀精明空。唯一睛虛。迥無所有。其人無故不動目睛。瞪以發勞。則於虛空別見狂華。復有一切狂亂非相色陰。當知。

亦復如是。阿難。是諸狂華。非從空來。非從目出。如是阿難。若空來者。既從空來。還從空入。若有出入。即非虛空。空若非空。自不容其華相起滅。如阿難體。不容阿難。若目出者。既從目出。還從目入。即此華性從目出。故當合有見。若有見者。去既華空。於合見眼。若無見者。出既翳空。於當翳眼。又見華時。目應無翳。云何晴空。號清明眼。是故當知。色陰虛妄。本非

目緣。非自然性。

阿難。譬如有人手足宴安。可歇調適。忽如忘
生。性無違順。其人無故。以二手掌。於空相摩
於二手中。妄生澀滑冷熱諸相。受陰當知。亦
復如是。阿難。是諸幻觸。不從空來。不從掌出。
如是阿難。若空來者。既能觸掌。何不觸身。不
應虛空。選擇來觸。若從掌出。應非待合。又掌
出故。合則掌知。離則觸入。臂腕骨髓。應亦覺。

知入時蹤跡。必有覺心。知出知入。自有一物
身中往來。何待合知。要名為觸。是故當知。受
陰虛妄。本非因緣。非自然性。

阿難。辟如有人談說酢梅。口中水出。思蹋懸

崖。足心酸澀。想陰當知。亦復如是。阿難。如是
酢說。不從梅生。非從口入。如是阿難。若梅生
者。梅合自談。何待人說。若從口入。自合口聞
何須待耳。若獨耳聞。此水何不耳中而出。想

蹋懸崖。與說相類。是故當知。想陰虛妄。本非
目緣。非自然性。

阿難。譬如暴流。波浪相續。前際後際。不相踰
越。行陰當知。亦復如是。阿難。如是流性。不目
空生。不目水有。亦非水性。非離空水。如是阿
難。若目空生。則諸十方。無盡虛空。成無盡流。
世界自然。俱受淪溺。若目水有。則此暴流性。
應非水。有所有相。今應現在。若即水性。則澄

清時應非水體。若離空水。空非有外。水外無流。是故當知行陰虛妄。本非曰緣。非自然性。阿難。譬如有人取頻伽瓶。塞其兩孔。滿中擎空。千里遠行。用餉他國。識陰當知。亦復如是。阿難。如是虛空。非彼方來。非此方入。如是阿難。若彼方來。則本瓶中既貯空去。於本瓶地應少虛空。若此方入。開孔倒瓶。應見空出。是故當知識陰虛妄。本非曰緣。非自然性。

大佛頂如來密目修證了義諸菩薩萬行首
楞嚴經卷第二

音釋

迦旃延

外道名也

毘羅胝子

亦外道名。此者胝

音知殞

于滅也

齡

音令

狹

孺

曰孺。始生曰狹。始行

音濡弱也

膚

音夫。皮表曰膚。

媵

倉奏切。文媵。理

頽

柱回切。晚暮也。

耄

音冒

皺

側救切

逮

音代

殂

作胡切

携

尸圭切

耆婆

皆事長年天神謁求長壽故末伽梨
梵語也。華言長命。西國風俗。即迦

羅之 母陀羅 梵語也 瞪 直澄切 曹 武巨切

了瀛 渤 上以成切 海之異名 拘舍黎 即未伽切 塲

浦沒 氛 焚音 阿那律 梵語也 華言如 閻浮提

梵語也 華言樹洲 菴摩羅 果名形似 娑婆

梵語也 華言忍土 伽藍 梵語也 華 縮 所六

挽 無遠 築 竹音 實 孔音豆 悚 上音松 惛 知劣切 忝

晉天 孺也 鵠 居天 梵志 或云淨商即梵天 苗商

投灰 苦行 甄 察音堅 措 醋音撮 倉括切 狹 洽音陀

羅尼

梵語也言憶持也

華三摩提

上韋見青

所景暈

音

適

陟卑切惡氣環日曰暈曰食曰適

珮玦

音佩決妖氣近于日月如珮玦

之形四皆日月之災象

慧孛飛流

曰慧音瑞星世徧指

四出曰孛字絕跡而去曰飛光跡

負耳虹蜺

相連曰流四皆星辰之灾象也

或明而為虹或暗而為蜺四皆陰陽之灾

象也腕

鳥貫

髓

水音

醕

徒合

瀑

薄報

崖

皆

切頻伽

好聲鳥名

瓶形似彼

大佛頂如來密曰修證了義諸菩薩萬行首
楞嚴經卷第三

唐天竺沙門般刺密帝譯

復次阿難。云何六入。本如來藏妙真如性。阿
難。即彼目睛瞪發勞者。兼目與勞同是菩提
瞪發勞相。目於明暗二種妄塵發見居中。吸
此塵象名為見性。此見離彼明暗二塵畢竟
無體。如是阿難。當知是見非明暗來。非於根

出。不於空生。何以故。若從明來。暗即隨滅。應非見暗。若從暗來。明即隨滅。應無見明。若從根生。必無明暗。如是見精本無自性。若於空出。前瞞塵象。歸當見根。又空自觀。何關汝入。是故當知。眼入虛妄。本非目緣。非自然性。阿難。譬如有人。以兩手指急塞其耳。耳根勞故。頭中作聲。兼耳與勞。同是菩提瞪發勞相。目於動靜二種。妄塵發聞。居中。吸此塵象。名

聽聞性。此聞離彼動靜。二塵畢竟無體。如是阿難。當知是聞非動靜來。非於根出。不於空生。何以故。若從靜來。動即隨滅。應非聞動。若從動來。靜即隨滅。應無覺靜。若從根生。必無動靜。如是聞體本無自性。若於空出。有聞成性。即非虛空。又空自聞。何闕汝入。是故當知耳入虛妄。本非因緣。非自然性。阿難。譬如有入急畜其鼻。畜久成勞。則於鼻

中聞有冷觸。曰觸分別通塞虛實。如是乃至諸香臭氣。兼臭與勞。同是菩提瞪發勞相。曰于通塞二種妄塵。發聞居中。吸此塵象。名喚聞性。此聞離彼通塞二塵。畢竟無體。當知是聞。非通塞來。非於根出。不於空生。何以故。若從通來。塞則聞滅。云何知塞。如曰塞有。通則無聞。云何發明香臭等觸。若從根生。必無通塞。如是聞機本無自性。若從空出。是聞自當

迴嗅汝鼻。空自有聞。何關汝入。是故當知。鼻入虛妄。本非目緣。非自然性。

阿難。譬如有人。以舌舐吻。熱舐令勞。其人若病。則有苦味。無病之人。微有甜觸。由甜與苦顯此舌根。不動之時。淡性常在。兼舌與勞。同是菩提。瞪發勞相。因甜苦淡二種妄塵。發知居中。吸此塵象。名知味性。此知味性。離彼甜苦及淡二塵。畢竟無體。如是阿難。當知如是。

嘗苦淡知。非甜苦來。非目淡有。又非根出。不
於空生。何以故。若甜苦來。淡則知滅。云何知
淡。若從淡出。甜即知亡。復云何知甜苦二相。
若從舌生。必無甜淡及與苦塵。斯知味根本
無自性。若於空出。虛空自味。非汝口知。又空
自知。何關汝入。是故當知。舌入虛妄。本非目
緣。非自然性。

阿難。譬如有入以一冷手觸於熱手。若冷勢

多熱者從冷。若熱功勝。冷者成熟。如是以此
合覺之觸。顯於離知。涉勢若成。因於勞觸。兼
身與勞同是菩提瞪發勞相。因于離合二種
妄塵發覺居中。吸此塵象名知覺性。此知覺
體離彼離合違順二塵。畢竟無體。如是阿難。
當知是覺非離合來。非違順有。不於根出。又
非空生。何以故。若合時來離當已滅。云何覺
離。違順二相。亦復如是。若從根出。必無離合。

違順四相。則汝身知。元無自性。必於空出。空
自知覺。何關汝入。是故當知。身入虛妄。本非
因緣。非自然性。

阿難。譬如有人。勞倦則眠。睡熟便寤。覽塵斯
憶。失憶為忘。是其顛倒。生住異滅。吸習中歸。
不相踰越。稱意知根。兼意與勞。同是善提。瞪
發勞相。因於生滅。二種妄塵。集知居中。吸撮
內塵。見聞逆流。流不及地。名覺知性。此覺知

性。離彼寤寐生滅二塵。畢竟無體。如是阿難。當知如是覺知之根。非寤寐來。非生滅有。不於根出。亦非空生。何以故。若從寤來。寐即隨滅。將何為寐。必生時有。滅即同無。今誰受滅。若從滅有。生即滅無。誰知生者。若從根出。寤寐二相隨身開合。離斯二體。此覺知者。同於空華。畢竟無性。若從空生。自是空知。何闕汝入。是故當知。意入虛妄。本非因緣。非自然性。

復次阿難云何十二處本如來藏妙真如性。阿難汝且觀此祇陀樹林及諸泉池於意云何。此等為是色生眼見。眼生色相。阿難若復眼根生色相者。見空非色。色性應銷。銷則顯發一切。都無色相。既無誰明空質。空亦如是。若復色塵生眼見者。觀空非色。見即銷亡。亡則都無。誰明空色。是故常知見與色空俱無處所。即色與見。二處虛妄。本非因緣。非自然。

性

阿難。汝更聽此。祇陀園中。食辦擊鼓。衆集撞鐘。鐘鼓音聲。前後相續。於意云何。此等為是聲來耳邊。耳往聲處。阿難。若復此聲來于耳邊。如我乞食室羅筏城。在祇陀林。則無有我。此聲必來阿難耳處。目連迦葉。應不俱聞。何況其中一千二百五十沙門。一聞鐘聲。同來食處。若復汝耳往彼聲邊。如我歸住祇陀林。

中。在室羅城。則無有我。汝聞鼓聲。其耳已往。擊鼓之處。鐘聲齊出。應不俱聞。何況其中象馬牛羊種種音響。若無來往。亦復無聞。是故當知聽與音聲俱無處所。即聽與聲二處。虛妄。本非因緣。非自然性。

阿難。汝又覲此鑪中栴檀。此香若復然於一鉢室羅筏城四十里內。同時聞氣。於意云。何此香為復生栴檀木。生於汝鼻。為生於空。阿

難。若復此香生於汝鼻。稱鼻所生。當從鼻出。鼻非栴檀。云何鼻中有栴檀氣。稱汝聞香。當於鼻入。鼻中出香。說聞非義。若生於空。空性常恒。香應常在。何藉鑪中爇此枯木。若生於木。則此香質。曰爇成烟。若鼻得聞。合蒙烟氣。其烟騰空。未及遙遠。四十里內。云何已聞。是故當知。香鼻與聞。俱無處所。即嗅與香。二處虛妄。本非因緣。非自然性。

阿難。汝常二時衆中持鉢。其間或遇酥酪。醍醐。名為上味。於意云何。此味為復生於空中。生於舌中。為生食中。阿難。若復此味生於汝舌。在汝口中。祇有一舌。其舌爾時已成酥味。遇黑石蜜。應不推移。若不變移。不名知味。若變移者。舌非多體。云何多味。一舌之知。若生於食。食非有識。云何自知。又食自知。即同他食。何預於汝。名味之知。若生於空。汝噉虛空。

當作何味。必其虛空。若作鹹味。既鹹。汝舌亦
鹹。汝面。則此界人。同於海魚。既常受鹹。了不
知淡。若不識淡。亦不覺鹹。必無所知。云何名
味。是故當知。味舌與掌。俱無處所。即掌與味
二俱虛妄。本非因緣。非自然性。

阿難。汝常晨朝。以手摩頭。於意云何。此摩所
知。誰為能觸。能為在手。為復在頭。若在於手。
頭則無知。云何成觸。若在於頭。手則無用。云

何名觸。若各各有。則汝阿難應有二身。若頭
與手一觸所生。則手與頭當為一體。若一體
者。觸則無成。若二體者。觸誰為在。在能非所。
在所非能。不應。虛空與汝成觸。是故當知。覺
觸與身俱無處所。即身與觸二俱虛妄。本非
因緣。非自然性。

阿難。汝常意中所緣善惡無記。三性生成法
則。此法為復即心所生。為當離心別有方所。

阿難。若即心者。法則非塵。非心所緣。云何成
處。若離於心。別有方所。則法自性為知。非知。
知則名心。異汝非塵。同他心量。即汝即心。云
何。汝心更二於汝。若非知者。此塵既非色聲
香味。離合冷煖。及虛空相。當於何在。今於色
空。都無表示。不應人間更有空外。心非所緣。
處。從誰立。是故當知。法則與心俱無處所。則
意與法。二俱虛妄。本非因緣。非自然性。

復次阿難。云何十八界本如來藏。妙真如性。阿難。如汝所明。眼色為緣。生於眼識。此識為復。因眼所生。以眼為界。目色所生。以色為界。阿難。若因眼生。既無色空。無可分別。縱有汝識。欲將何用。汝見又非青黃赤白。無所表示。從何立界。若目色生。空無色時。汝識應滅。云何識知是虛空性。若色變時。汝亦識其色相。遷變汝識不遷。界從何立。從變則變。界相自

無不變則恒。既從色生。應不識知。虛空所在。若兼二種。眼色共生。合則中離。離則兩合。體性雜亂。云何成界。是故當知。眼色為緣。生眼識界。三處都無。則眼與色。及色界三。本非因緣。非自然性。

阿難。又汝所明。耳聲為緣。生於耳識。此識為復。目耳所生。以耳為界。目聲所生。以聲為界。阿難。若目耳生。動靜二相。既不現前。根不成。

知必無所知。知尚無成。識何形貌。若取耳聞。無動靜故。聞無所成。云何耳形雜色觸塵。名為識界。則耳識界復從誰立。若生於聲。識因聲有。則不關聞。無聞則止。聲相所在。識從聲生。許聲自聞。而有聲相。聞應聞識。不聞非界。聞則同聲。識已被聞。誰知聞識。若無知者。終如草木。不應聲聞。雜成中界。界無中位。則內外相復從何成。是故當知。耳聲為緣。生耳識。

界三處都無。則耳與聲及聲界三。本非目緣非自然性。

阿難。又汝所明鼻香為緣。生於鼻識。此識為復。因鼻所生。以鼻為界。目香所生。以香為界。阿難。若目鼻生。則汝心中以何為鼻。為取肉形。雙爪之相。為取鼻。知動搖之性。若取肉形。肉質乃身。身知即觸。名身非鼻。名觸即塵。鼻尚無名。云何立界。若取鼻。知。又汝心中以何

為知。以肉為知。則肉之知。元觸非臭。以空為知。空則自知。肉應非覺。如是則應虛空是汝。汝身非知。今日阿難應無所在。以香為知。知自屬香。何預於汝。若香臭氣必生汝鼻。則彼香臭二種流氣。不生伊蘭及栴檀木。二物不來。汝自歟鼻為香為臭。臭則非香。香應非臭。若香臭二俱能聞者。則汝一人應有兩鼻。對我問道有二阿難。誰為汝體。若鼻是一。香臭

無二。臭既為香。香復成臭。二性不有。界從誰立。若曰香生。識曰香有。如眼有見。不能觀眼。目香有故。應不知香。知即非生。不知非識。香非知有。香界不成。識不知香。曰界則非從香建立。既無中間不成內外。彼諸聞性。畢竟虛妄。是故當知。臭香為緣生。鼻識界。三處都無。則鼻與香。及香界。三本非目緣。非自然性。阿難。又汝所明。舌味為緣。生於舌識。此識為

復曰。舌所生。以舌為界。目味所生。以味為界。阿難。若目舌生。則諸世間。甘蔗烏梅黃連石。監細辛薑桂。都無有味。汝自嘗舌為甜。為苦。若舌性苦。誰來嘗舌。舌不自嘗。孰為知覺。舌性非苦。味自不生。云何立界。若目味生。識自為味。同於舌根。應不自嘗。云何識知是味。非味。又一切味。非一物生。味既多生。識應多體。識體若一體。必味生鹹淡甘辛和合俱生諸。

變異相同為一味。應無分別。既無。則不
名識。云何復名舌味識界。不應虛空生。汝心
識。舌味和合。即於是中。元無自性。云何界生。
是故當知。舌味為緣。生舌識界。三處都無。則
舌與味。及舌界三。本非因緣。非自然性。
阿難。又汝所明。身觸為緣。生於身識。此識為
復。因身所生。以身為界。因觸所生。以觸為界。
阿難。若因身生。必無合離。二覺觀緣。身何所

識若曰觸生。必無汝身。誰有非身。知合離者。
阿難。物不觸知。身知有觸。知身即觸。知觸即
身。即觸非身。即身非觸。身觸二相。元無處所。
合身。即為身自體性。離身。即是虛空等相。內
外不成。中云何立。中不復立。內外性空。則汝
識生。從誰立界。是故當知。身觸為緣。生身識
界。三處都無。則身與觸。及身界三。本非因緣。
非自然性。

阿難。又汝所明意法為緣。生於意識。此識為
復。目意所生。以意為界。目法所生。以法為界。
阿難。若目意生。於汝意中。必有所思。發明汝
意。若無前法。意無所生。離緣無形。識將何用。
又汝識心。與諸思量。兼了別性。為同為異。同
意即意。云何所生。異意不同。應無所識。若無
所識。云何意生。若有所識。云何識意。唯同與
異。二性無成。界云何立。若目法生。世間諸法

不離五塵。汝觀色法及諸聲法香法味法及
與觸法相狀分明。以對五根。非意所攝。汝識
決定依於法生。今汝諦觀法法何狀。若離色
空動靜通塞合離生滅。越此諸相。終無所得。
生則色空諸法等生。滅則色空諸法等滅。所
因既無。因生有識。作何形相。相狀不有。界云
何生。是故當知。意法為緣。生意識界。三處都
無。則意與法及眼界三。本非因緣。非自然性。

阿難白佛言。世尊。如來常說和合因緣。一切世間種種變化。皆因四大和合發明。云何如來因緣自然。二俱排擯。我今不知斯義所屬。惟垂哀愍。開示衆生中道了義。無戲論法。尔時世尊告阿難言。汝先厭離聲聞緣覺諸小乘法。發心勤求無上菩提。故我今時為汝開示第一義諦。如何復將世間戲論妄想因緣。而自纏繞。汝雖多聞。如說藥人。真藥現前。不

能分別。如來說為真可憐愍。汝今諦聽。吾當為汝分別開示。亦令當來修大乘者。通達實相。阿難默然承佛聖旨。阿難。如汝所言四大和合。發明世間種種變化。阿難。若彼大性體非和合。則不能與諸大雜和。猶如虛空。不和諸色。若和合者。同於變化。始終相成。生滅相續。生死死生。生生死死。如旋火輪。未有休息。阿難。如水成冰。冰還成水。汝觀地性。麤為大。

地。細為微塵。至鄰塵塵。析彼極微色邊際相。七分所成。更析鄰塵。即實空性。阿難。若此鄰塵析成虛空。當知虛空出生色相。汝今問言。由和合故。出生世間諸變化相。汝且觀此。一鄰塵塵。用幾虛空和合而有。不應鄰塵合成鄰塵。又鄰塵塵析入空者。用幾色相合成虛空。若色合時。合色非空。若空合時。合空非色。色猶可析。空云何合。汝元不知。如來藏中性。

色真空。性空真色。清淨本然。周徧法界。隨衆
生心。應所知量。循業發現。世間無知。惑為目
緣。及自然性。皆是識心。分別計度。但有言說
都無實義。

阿難。火性無我。寄於諸緣。汝觀城中。未食之
家。欲炊爨時。手執陽燧。日煎求火。阿難。名和
合者。如我與汝。一千二百五十比丘。今為一
衆。衆雖為一。詰其根本。各各有身。皆有所生。

氏族名字。如舍利弗。婆羅門種。優樓頻螺。迦
葉波種。乃至阿難。瞿曇種姓。阿難。若此火性
目和合有。彼手執鏡。於日求火。此火為從鏡
中而出。為從艾出。為於日來。阿難。若日來者。
自能燒汝手中之艾。來處林木皆應受焚。若
鏡中出。自能於鏡出。然于艾。鏡何不鎔。紆汝
手執。尚無熱相。云何融津。若生於艾。何藉日
鏡光明相接。然後火生。汝又諦觀。鏡目手執。

日從天來。艾本地生。火從何方遊歷於此。日鏡相遠。非和非合。不應火光無從自有。汝猶不知。如來藏中性。火真空。性空真火。清淨本然。周徧法界。隨衆生心。應所知量。阿難。當知世人一處執鏡。一處火生。徧法界執。滿世間起。起徧世間。寧有方所。循業發現。世間無知。惑為目緣。及自然性。皆是識心。分別計度。但有言說。都無實義。

阿難。水性不定。流息無恒。如室羅城迦毗羅
仙。斫迦羅仙。及鉢頭摩訶薩多等諸大幻師。
求太陰精。用和幻藥。是諸師等於白月晝手
執方諸。承月中水。此水為彼從珠中出。空中
自有。為從月來。阿難。若從月來。尚能遠方令
珠出水。所經林木皆應吐流。流則何待方諸
所出。不流明水非從月降。若從珠出。則此珠
中常應流水。何待中宵承白月晝。若從空生。

空性無邊。水當無際。從人洎天。皆同滔溺。云
何復有水陸空行。汝更諦觀。月從天陟。珠目
手持。承珠水盤。本人敷設。水從何方流注於
此。月珠相遠。非和非合。不應水精無從自有。
汝尚不知。如來藏中性水真空。性空真水清。
淨本然。周徧法界。隨衆生心。應所知量。一處
執珠。一處水出。徧法界執。滿法界生。生滿世
間。寧有方所。循業發現。世間無知。惑為因緣。

及自然性。皆是識心分別計度。但有言說。都無實義。

阿難。風性無體。動靜不常。汝常整衣入於大眾。僧伽梨角動及傍人。則有微風拂彼人面。此風為復出袈裟角。發於虛空。生彼人面。阿難。此風若復出袈裟角。汝乃披風。其衣飛搖。應離汝體。我今說法會中垂衣。汝看我衣。風何所在。不應衣中有藏風地。若生虛空。汝衣

不動何目無拂。空性常住。風應常生。若無風時。虛空當滅。滅風可見。滅空何狀。若有生滅。不名虛空。名為虛空。云何風出。若風自生。被拂之面。從彼面生。當應拂汝。自汝整衣。云何倒拂。汝審諦觀。整衣在汝。面屬彼人。虛空寂然。不叅流動。風自誰方鼓動來此。風空性隔。非和非合。不應風性無從。自有汝宛不知。如采藏中性。風真空。性空真風。清淨本然。周徧。

法界。隨衆生心。應所知量。阿難。如汝一人。微動服衣。有微風出。徧法界。拂滿國土。生周徧世間。寧有方所。循業發現。世間無知。惑為因緣。及自然性。皆是識心。分別計度。但有言說。都無實義。

阿難。空性無形。因色顯發。如室羅城。去河遙處。諸剎利種。及婆羅門。毗舍。首陀。兼頗羅墮。梅陀羅等。新立安居。鑿井求水。出土一尺。於

中則有一尺虛空。如是乃至出土一丈。中間
還得一丈虛空。虛空淺深。隨出多少。此空為
當同土所出。目鑿所有。無目自生。阿難。若復
此空無目自生。未鑿土前。何不無礙。唯見大
地。迥無通達。若同土出。則土出時。應見空入。
若土先出。無空入者。云何虛空同土而出。若
無出入。則應空土元無異。目無異。則同。則土
出時。空何不出。若目鑿出。則鑿出空。應非出

土。不曰鑿出。鑿自出土。云何見空。汝更審諦。諦審諦觀。鑿從人手。隨方運轉。上曰地移。如是。虛空曰何所出。鑿空虛實。不相為用。非和非合。不應虛空無從自出。若此。虛空性圓周徧本不動搖。當知現前地水火風。均名五大。性真圓融。皆如來藏。本無生滅。阿難。汝心昏迷。不悟四大元如來藏。當觀虛空為出為入。為非出入。汝全不知如來藏中性。覺真空性。

空真覺。清淨本然。周徧法界。隨衆生心。應所知量。阿難如一井空。空生一井。十方虗空。亦復如是。圓滿十方。寧有方所。循業發現。世間無知。惑為因緣。及自然性。皆是識心分別計度。但有言說。都無實義。

阿難見覺無知。因色空有。如汝今者在祇陀林。朝明夕昏。設居中宵。白月則光。黑月便暗。則明暗等。因見分析。此見為復與明暗相并。

太虛空為同一體。為非一體。或同非同。或異
非異。阿難。此見若復與明與暗及與虛空元
一體者。則明與暗。二體相亡。暗時無明。明時
無暗。若與暗一。明則見亡。必一於明。暗時當
滅。滅則云何見明。見暗。若明暗殊。見無生滅。
一云何成。若此見精與暗與明非一體者。汝
離明暗。及與虛空。分析見元。作何形相。離明
離暗。及離虛空。是見元同龜毛兔角。明暗虛

空三事俱異。從何立見。明暗相背。云何或同。離三元無。云何或異。分空分見。本無邊畔。云何非同。見暗見明。性非遷改。云何非異。汝更細審。微細審詳。審諦審觀。明從太陽。暗隨黑月。通屬虛空。壅歸大地。如是見精。因何所出。見覺空頑。非和非合。不應見精。無從自出。若見聞知性。圓周徧本。不動搖。當知無邊不動。虛空。并其動搖。地水火風。均名六大。性真圓。

融皆如來藏本無生滅阿難。汝性沉淪不悟。汝之見聞覺知本如來藏。汝當觀此見聞覺知。為生為滅。為同為異。為非生滅。為非同異。汝曾不知如來藏中性見覺明。覺精明見清淨本然。周徧法界。隨衆生心。應所知量。如一見根。見周法界。聽。嗅。嘗。觸。覺。觸。覺。知。妙德瑩然。徧周法界。圓滿十虛。寧有方所。循業發現。世間無知。惑為目緣。及自然性。皆是識心分。

別計度。但有言說。都無實義。

阿難識性無源。因於六種根塵妄出。汝今徧觀此會聖眾。用目循歷。其目周視。但如鏡中無別分析。汝識於中次第標指。此是文殊。此富樓那。此目犍連。此須菩提。此舍利弗。此識了知。為生於見。為生於相。為生虛空。為無所目。突然而出阿難。若汝識性生於見中。如無明暗。及與色空。四種必無。元無汝見。見性尚

無從何發識。若汝識性生於相中。不從見生。既不見明。亦不見暗。明暗不曠。即無色空。彼相尚無。識從何發。若生於空。非相非見。非見無辨。自不能知明暗色空。非相滅緣。見聞覺知無處安立。處此二非。空則同無。有非同物。縱發汝識。欲何分別。若無所因。突然而出。何不日中別識明月。汝更細詳。微細詳審。見託汝睛。相推前境。可狀成有。不相成無。如是識。

緣。因何所出。識動見澄。非和非合。聞聽覺知。亦復如是。不應識緣無從自出。若此識心本無所從。當知了別見聞覺知。圓滿湛然。性非從所。兼彼虛空地水火風均名七大。性真圓融。皆如來藏。本無生滅。阿難。汝心麤浮。不悟見聞。發明了知。本如來藏。汝應觀此六處。識心為同。為異。為空。為有。為非。同異。為非。空有。汝元不知。如來藏中性。識明知覺。明真識妙。

覺湛然徧周法界。含吐十虛。寧有方所。循業
發現。世間無知。惑為目緣。及自然性。皆是識
心分別計度。但有言說。都無實義。

爾時阿難及諸大衆。蒙佛如來微妙開示。身
心蕩然。得無罣礙。是諸大衆。各各自知心徧
十方。見十方空。如觀手中所持葉物。一切世
間諸所有物。皆即菩提妙明元心。心精徧圓
含裹十方。反觀父母所生之身。猶彼十方虛

空之中吹一微塵。若存若亡。如湛巨海流一
浮漚。起滅無從。了然自知。獲本妙心。常住不
滅。禮佛合掌。得未曾有。於如來前說偈讚佛
妙湛總持不動尊。首楞嚴王世希有。
消我億劫顛倒想。不歷僧祇獲法身。
願今得果成寶王。還度如是恒沙衆。
將此深心奉塵刹。是則名為報佛恩。
伏請世尊為證明。五濁惡世誓先入。

如一衆生未成佛
終不於此取泥洹

大雄大力大慈悲
希更審除微細惑

令我早登無上覺
於十方界坐道場

舜若多性可銷亡
樂迦羅心無動轉

大佛頂如來密曰脩證了義諸菩薩萬行首

楞嚴經卷第三

音釋

睛

音精

吸

許反切

畜

音蓄

𩇑

虛救切

舐

神紙切

吻

文結

吻也音脣 銖音殊 藉切慈夜 藝切如悅 伊蘭臭樹 析音昔 炊

吹音 爨刀七亂 陽燧鏡取火也 優樓頻螺言梵語也華

迦葉波言梵語也華 瞿曇言梵語也華 鎔音容 紆

憶俱 陟知力切音 滔音叨 僧伽梨梵語也 袈裟華言

壞色 剝利釋見卷 婆羅門釋見卷 毘舍華言坐

估首陀言梵語也華 頗羅陁言梵語也華 梅陀

羅釋見卷 突陀骨切 刮具云刮波 僧祇具云阿

數言無 泥洹言一名泥曰亦名涅槃梵語也華

無為者取乎虛無亦冥妙絕于有為
滅度者言其大患永滅超度四流也
舜若

多
梵語也
華言空
爍迦羅
梵語也
華
言堅固

[The main body of the page contains several vertical columns of text, which are extremely faint and illegible due to the quality of the scan. The text appears to be organized into columns, typical of traditional Chinese book layout.]

大佛頂如來密目脩證了義諸菩薩萬行首
楞嚴經卷第四

唐天竺沙門般刺密帝譯

尔時富樓那。弥多羅尼子。在大眾中。即從座
起。徧袒右肩。右膝著地。合掌恭敬。而白佛言。
大威德世尊。善為衆生敷演如來第一義諦。
世尊常推說法人中。我為第一。今聞如來微
妙法音。猶如聾人。逾百步外。聆於蚊蚋。本所

不見。何況得聞。佛雖宣明。令我除惑。今猶未
詳斯義。究竟無疑惑地。世尊。如阿難輩。雖則
開悟。習漏未除。我等會中。登無漏者。雖盡諸
漏。今聞如來所說法音。尚紆疑悔。世尊。若復
世間一切根塵陰處界等。皆如來藏清淨本
然。云何忽生山河大地。諸有為相。次第遷流。
終而復始。又如來說地水火風。本性圓融。周
徧法界。湛然常住。世尊。若地性徧。云何容水。

水性周徧。火則不生。復云何明水火二性俱徧虛空。不相陵滅。世尊。地性嶂礙。空性虛通。云何二俱周徧法界。而我不知是義。攸往。惟願如來宣流大慈。開我迷雲。及諸大眾。作是語已。五體投地。欽渴如來無上慈誨。尔時世尊告富樓那。及諸會中漏盡無學諸阿羅漢。如來今日普為此會。宣勝義中真勝義性。令汝會中定性聲聞。及諸一切未得二空迴向。

上乘阿羅漢等。皆獲一乘寂滅場地。真阿練
若。正修行處。汝今諦聽。當為汝說。富樓那等
欽佛法音。默然承聽。佛言。富樓那。如汝所言
清淨本然。云何忽生山河大地。汝常不聞如
來宣說性覺妙明。本覺明妙。富樓那言。唯然
世尊。我常聞佛宣說斯義。佛言。汝稱覺明為
復性明。稱名為覺。為覺不明。稱為明覺。富樓
那言。若此不明。名為覺者。則無所明。佛言。若

無所明。則無明覺。有所非覺。無所非明。無明
又非覺。湛明性。性覺必明。妄為明覺。覺非所
明。曰明立所。所既妄立。生汝妄能。無同異中
熾然成異。異彼所異。曰異。立同。同異發明。曰
此復立無同無異。如是擾亂。相待生勞。勞久
發塵。自相渾濁。由是引起塵勞煩惱。起為世
界。靜成虛空。虛空為同。世界為異。彼無同異。
真有為法。覺明空昧。相待成搖。故有風輪執

持世界。因空生搖。堅明立礎。彼金寶者明覺
立堅。故有金輪保持國土。堅覺寶成。搖明風
出。風金相摩。故有火光為變化性。寶明生潤
火光上蒸。故有水輪含十方界。火騰水降。交
發立堅。溼為臣海。乾為洲渾。以是義故。彼大
海中火光常起。彼洲渾中江河常注。水勢劣
火。結為高山。是故山石擊則成酸。融則成水。
土勢劣水。抽為草木。是故林藪遇燒成土。因

絞成水。交妄發生。透相為種。以是因緣。世界相續。復次富樓那。明妄非他。覺明為咎。所妄既立。明理不踰。以是因緣。聽不出聲。見不起色。色香味觸。六妄成就。由是分開。見覺聞知。同業相纏。合離成化。見明色發。明見想成。異見成憎。同想成愛。流愛為種。納想為胎。交遘發生。吸引同業。故有因緣。生羯羅藍。過蒲曇等。胎卵溼化。隨其所應。卵唯想生。胎因情有。

溼以合感。化以離應。情想合離。更相變易。所
有受業。逐其飛沈。以是因緣。衆生相續。富樓
那。想愛同結。愛不能離。則諸世間。父母子孫
相生不斷。是等則以欲貪為本。貪愛同滋。貪
不能止。則諸世間。卵化溼胎。隨力強弱。遞相
吞食。是等則以殺貪為本。以人食羊。羊死為
人。人死為羊。如是乃至十生之類。死死生生。
互來相噉。惡業俱生。窮未來際。是等則以盜

貪為本。汝負我命。我還汝債。以是因緣。經百
千劫。常在生死。汝愛我心。我憐汝色。以是因
緣。經百千劫。常在纏縛。唯殺盜婬。三為根本。
以是因緣業果相續。富樓那。如是三種顛倒
相續。皆是覺明明了知性。曰了發相。從妄見
生。山河大地。諸有為相。次第遷流。目此虛妄
終而復始。
富樓那言。若此妙覺本妙覺明。與如來心不

增不減。無狀忽生。山河大地。諸有為相。如來
今得妙空明覺。山河大地。有為習漏。何當復
生。佛告富樓那。譬如迷人。於一聚落。惑南為
北。此迷為復。曰迷而有。曰悟而出。富樓那言。
如是迷人。亦不曰迷。又不曰悟。何以故。迷本
無根。云何曰迷。悟非生迷。云何曰悟。佛言。彼
之迷人。正在迷時。倏有悟。人指示令悟。富樓
那。於意云何。此人縱迷。於此聚落。更生迷不。

不也。世尊。富樓那。十方如來。亦復如是。此迷
無本。性畢竟空。昔本無迷。似有迷覺。覺迷迷
滅。覺不生迷。亦如翳人。見空中華。翳病若除。
華於空滅。忽有愚人。於彼空華。所滅空地。待
華更生。汝觀是人。為愚為慧。富樓那言。空元
無華。妄見生滅。見華滅空。已是顛倒。救令更
出。斯實狂癡。云何更名如是狂人。為愚為慧。
佛言。如汝所解。云何問言。諸佛如來。妙覺明

空。何當更出山河大地。又如金鑛。雜於精金。其金一純。更不成雜。如木成灰。不重為木。諸佛如來菩提涅槃。亦復如是。

富樓那。又汝問言。地水火風本性圓融。周徧法界。疑水火性不相陵滅。又徵虛空。及諸大地。俱徧法界。不合相容。富樓那。譬如虛空。體非羣相。而不拒彼諸相發揮。所以者何。富樓那。彼太虛空。日照則明。雲屯則暗。風搖則動。

霽澄則清。氣凝則濁。土積成霾。水澄成映。於
意云何。如是殊方諸有為相。為目彼生。為復
空有。若彼所生。富樓那。且日照時。既是日明。
十方世界同為日色。云何空中更見圓日。若
是空明。空應自照。云何中宵雲霧之時。不生
光耀。當知是明。非日非空。不異空日。觀相元
妄。無可指陳。猶邀空華。結為空果。云何詰其
相陵滅義。觀性元真。唯妙覺明。妙覺明心。先

非水火。云何復問不相容者。真妙覺明。亦復如是。汝以空明。則有空現。地水火風各各發明。則各各現。若俱發明。則有俱現。云何俱現。富樓那。如一水中現於日影。兩人同觀水中之日。東西各行。則各有日隨。二人去。一東一西。先無準的。不應難言。此日是一。云何各行。各日既雙。云何現一。宛轉虛妄。無可憑據。富樓那。汝以色空相傾相奪於如來藏。而如來

藏隨為色空。周徧法界。是故於中風動空澄。日月雲暗。衆生迷悶。背覺合塵。故發塵勞。有世間相。我以妙明不滅不生合如來藏。而如來藏唯妙覺明。圓照法界。是故於中一為無量。無量為一。小中現大。大中現小。不動道場。徧十方界。身含十方無盡虛空。於一毛端現寶王刹。坐微塵裡。轉大法輪。滅塵合覺。故發真如妙覺明性。而如來藏本妙圓心。非心非

空。非地。非水。非風。非火。非眼。非耳。非鼻。非舌。非身。非意。非色。非聲。非香。非味。非觸。非法。非眼識界。如是乃至非意識界。非明。非無明。明無明盡。如是乃至非老。非死。非老死盡。非苦。非集。非滅。非道。非智。非得。非檀。非那。非尸羅。非毘梨耶。非羼提。非禪。那。非般刺若。非波羅密多。如是乃至非怛闍阿竭。非阿羅訶。三耶三菩。非大涅槃。非常。非樂。非我。非淨。以是俱非世出世故。即如來歲元。

明心妙。即心。即空。即地。即水。即風。即火。即眼。
即耳。鼻。舌。身。意。即色。即聲。香味。觸。法。即眼識。
界。如是。乃至。即意識界。即明。無明。明。無明。盡。
如是。乃至。即老。即死。即老死。盡。即苦。即集。即
滅。即道。即智。即得。即檀。那。即尸羅。即毗梨耶。
即羸提。即禪。那。即般刺若。即波羅密多。如是。
乃至。即怛闍阿竭。即阿羅訶。三耶三菩。即大
涅槃。即常。即樂。即我。即淨。以是俱。即世。出世。

故。即如來藏。妙明心元。離即離非。是即非即。
如何世間。三有衆生。及出世間。聲聞緣覺。以
所知心。測度如來。無上菩提。用世語言。入佛
知見。譬如琴瑟笙篪琵琶。雖有妙音。若無妙
指。終不能發。汝與衆生。亦復如是。寶覺真心。
各各圓滿。如我按指。海印發光。汝暫舉心。塵
勞先起。由不勤求。無上覺道。愛念小乘。得少
為足。

富樓那言。我與如來寶覺圓明。真妙淨心。無
二圓滿。而我昔遭無始妄想。久在輪迴。今得
聖乘。猶未究竟。世尊諸妄一切圓滅。獨妙真
常。敢問如來。一切衆生。何目有妄。自蔽妙明。
受此淪溺。佛告富樓那。汝雖除疑。餘惑未盡。
吾以世間現前諸事。今復問汝。汝豈不聞室
羅城中。演若達多。忽於晨朝。以鏡照面。愛鏡
中頭。眉目可見。瞋責已頭。不見面目。以為魑

魅無狀狂走。於意云何。此人何目無故狂走。
富樓那言。是人心狂。更無他故。佛言。妙覺明
圓。本圓明妙。既稱為妄。云何有目。若有所目。
云何名妄。自諸妄想展轉相目。從迷積迷。以
塵塵劫。雖佛發明。猶不能返。如是迷目。目迷
自有識。迷無目。妄無所依。尚無有生。欲何為
滅。得菩提者。如寤時人說夢中事。心縱精明。
欲何目緣。取夢中物。况復無目。本無所有。如

彼城中演若達多。豈有目緣自怖頭走。忽然
狂歇。頭非外得。縱未歇狂。亦何遺失。富樓那。
妄性如是。目何為在汝。但不隨分別。世間業
果衆生。三種相續。三緣斷故。三目不生。則汝
心中演若達多狂。性自歇。歇即菩提。勝淨明
心。本周法界。不從人得。何藉劬勞肯綮脩證。
譬如有入於自衣中繫如意珠。不自覺知。窮
露他方。乞食馳走。雖實貧窮。珠不曾失。忽有

智者。指示其珠。所願從心。致大饒富。方悟神珠。非從外得。

即時阿難在大衆中頂禮佛足。起立白佛。世尊現說殺盜婬業。三緣斷故。三目不生。心中達多狂性自歇。歇即菩提。不從人得。斯則目緣皎然明白。云何如來頓棄目緣。我從目緣心得開悟。世尊此義何獨我等。年少有學聲聞。今此會中大目犍連。及舍利弗。須菩提等。

從老梵志聞佛目緣。教心開悟。得成無漏。今
說菩提。不從目緣。則玉舍城拘舍梨等所說
自然。成第一義。惟垂大悲。開發迷悶。佛告阿
難。即如城中演若達。多狂性。目緣若得滅除。
則不狂性。自然而出。目緣自然。理窮於是。阿
難。演若達多。頭本自然。本自其然。無然非自。
何目緣故。怖頭狂走。若自然頭。目緣故狂。何
不自然。目緣故失。本頭不失。狂怖妄出。曾無

變易。何藉目緣。本狂自然。本有狂怖。未狂之
際。狂何所潛。不狂自然。頭本無妄。何為狂走。
若悟本頭。識知狂走。目緣自然。俱為戲論。是
故我言三緣斷。故即菩提心。菩提心生。生滅
心滅。此但生滅。滅生俱盡。無功用道。若有自
然。如是則明自然心生。生滅心滅。此亦生滅。
無生滅者。名為自然。猶如世間諸相雜和成
一體者。名和合性。非和合者。稱本然性。本然

非然。和合非合。合然俱離。離合俱非。此句方
名無戲論。法菩提涅槃尚。在遙遠。非汝磨刮
辛勤脩證。雖復憶持十方如來十二部經清
淨妙理。如恒河沙。祇益戲論。汝雖談說。因緣
自然。決定明了。人間稱汝多聞第一。以此積
劫多聞熏習。不能免離摩登伽難。何須待我
佛頂神咒。摩登伽心。婬火頓歇。得阿那含。於
我法中。成精進林。愛河乾枯。令汝解脫。是故

阿難。汝雖歷劫憶持如來秘密妙嚴。不如一日脩無漏業。遠離世間憎愛二苦。如摩登伽宿為婬女。由神咒力銷其愛欲。法中今名性比丘尼。與羅睺母耶輸陀羅同悟宿因。知歷世因。貪愛為苦。一念熏修無漏善故。或得出纏。或蒙授記。如何自欺。尚留觀聽。

阿難及諸大眾聞佛示誨。疑惑銷除。心悟實相。身意輕安。得未曾有。重復悲淚。頂禮佛足。

長跪合掌而白佛言。無上大悲清淨寶王。善
開我心。能以如是種種目緣。方便提獎。引諸
沉冥出於苦海。世尊。我今雖承如是法音。知
如來藏妙覺明心。徧十方界。含育如來十方
國土。清淨寶嚴妙覺王刹。如來復責多聞無
功。不逮修習。我今猶如旅泊之人。忽蒙天王
賜與華屋。雖獲大宅。要曰門入。惟願如來不
捨大悲。示我在會諸蒙暗者。捐捨小乘。畢獲

如來無餘涅槃。本發心路。今有學者。從何攝
伏。疇昔攀緣。得陀羅尼。入佛知見。作是語已。
五體投地。在會一心。佇佛慈旨。尔時世尊哀
愍。會中緣覺聲聞。於菩提心未自在者。及為
當來佛滅度後。未法衆生。發菩提心。開無上
乘。妙脩行路。宣示阿難及諸大衆。汝等決定
發菩提心。於佛如來。妙三摩提。不生疲倦。應
當先明發覺初心。二決定義。云何初心。二義。

決定阿難第一義者。汝等若欲捐捨聲聞。脩
菩薩乘。入佛知見。應當審觀目地。發心。與果
地覺。為同為異。阿難若於目地。以生滅心。為
本。脩目。而求佛乘。不生不滅。無有是處。以是
義故。汝當照明諸器。世間可作之法。皆從變
滅。阿難。汝觀世間可作之法。誰為不壞。然終
不聞爛壞。虛空。何以故。空非可作。由是始終
無壞滅故。則汝身中堅相為地。潤溼為水。煖

觸為火。動搖為風。由此四纏。分汝湛圓妙覺。明心為視。為聽。為覺。為察。從始入終。五疊渾濁。云何為濁。阿難。譬如清水。清潔本然。即彼塵土灰沙之倫。本質留礙。二體法尔。性不相循。有世間人。取彼土塵。投於淨水。土失留礙。水止清潔。容顏汨然。名之為濁。汝濁五重。亦復如是。阿難。汝見虛空。徧十方界。空見不空。有空無體。有見無覺。相織妄成。是第一重。名

為刳濁。汝身現搏四大為體。見聞覺知。塵。今
留礙。水火風土。於令覺知。相織妄成。是第二
重名為見濁。又汝心中憶識誦習。性。設知見。
容現六塵。離塵無相。離覺無性。相織妄成。是
第三重名煩惱濁。又汝朝夕生滅不停。知見
每欲留於世間。業運每常遷於國土。相織妄
成。是第四重名衆生濁。汝等見聞元無異性。
衆塵隔越。無狀異生。性中相知。用中相背。同

異失準。相織妄成。是第五重。名為命濁。阿難。汝今欲令見聞覺知。遠契如來常樂我淨。應當先擇死生根本。依不生滅圓湛性成。以湛於其虛妄滅生。伏還元覺。得元明覺。無生滅性。為目。地心。然後圓成果地。修證如澄濁水。貯於靜器。靜深不動。沙土自沈。清水現前。名為初伏客塵煩惱。去泥純水。名為永斷根本。無明明相精純。一切變現。不為煩惱。皆合涅槃。

藥清淨妙德。

第二義者。汝等必欲發菩提心。於菩薩乘生大勇猛。決定棄捐諸有為相。應當審詳煩惱根本。此無始來。發業潤生。誰作誰受。阿難。汝修菩提。若不審觀煩惱根本。則不能知。虛妄根塵。何處顛倒。處尚不知。云何降伏。取如來位。阿難。汝觀世間解結之人。不見所結。云何知解。不聞虛空被汝皴裂。何以故。空無形相。

無結解故。則汝現前眼耳鼻舌。及與身心。六
為賊媒。自劫家寶。由此無始衆生世界。生纏
縛故。於器世間。不能超越。阿難。云何名為衆
生世界。世為遷流。界為方位。汝今當知東西
南北。東南西南。東北西北。上下為界。過去未
來。現在為世。方位有十。流數有三。一切衆生
織妄相成。身中實遷。世界相涉。而此界性。設
雖十方。定位可明。世間祇目。東西南北。上下

無位中無定方四數必明與世相涉三四四
三宛轉十二流變三疊一十百千總括始終
六根之中各各功德有千二百阿難汝復於
中克定優劣如眼觀見後暗前明前方全明
後方全暗左右旁觀三分之二統論所作功
德不全三分言功一分無德當知眼唯八百
功德如耳周聽十方無遺動若通遙靜無邊
際當知耳根圓滿一千二百功德如鼻嗅聞

通出入息有出有入而關中交驗於鼻根三
分開一當知鼻唯八百功德如舌宣揚盡諸
世間出世間智言有方分理無窮盡當知舌
根圓滿一千二百功德如身覺觸識於違順
合時能覺離中不知離一合雙驗於身根三
分開一當知身唯八百功德如意默容十方
三世一切世間出世間法唯聖與凡無不包
容盡其涯際當知意根圓滿一千二百功德

阿難汝今欲逆生死欲流返窮流根至不生
滅當驗此等六受用根誰合誰離誰深誰淺
誰為圓通誰不圓滿若能於此悟圓通根逆
彼無始織妄業流得循圓通與不圓根日劫
相倍我今備顯六湛圓明本所功德數量如
是隨汝詳擇其可入者我當發明令汝增進
十方如來於十八界一一脩行皆得圓滿無
上菩提於其中間亦無優劣但汝下劣未能

於中圓自在慧故我宣揚令汝但於一門深
入入一無妄彼六知根一時清淨

阿難白佛言世尊云何逆流深入一門能令
六根一時清淨佛告阿難汝今已得須陀洹
果已滅三界衆生世間見所斷惑然猶未知
根中積生無始虛習彼習要因修所斷得何
況此中生住異滅分齊頭數今汝且觀現前
六根為一為六阿難若言一者耳何不見目

何不聞頭奚不履足奚無語若此六根決定
成六如我今會與汝宣揚微妙法門汝之六
根誰來領受阿難言我用耳聞佛言汝耳自
聞何關身口口來問義身起欽承是故應知
非一終六非六終一終不汝根元一元六阿
難當知是根非一非六由無始來顛倒淪替
故於圓湛一六義生汝須陀洹雖得六銷猶
未亡一如太虛空忝合羣器由器形異名之

異空除器觀空說空為一彼太虛空云何為
汝成同不同何況更名是一非一則汝了知
六受用根亦復如是由明暗等二種相形於
妙圓中黏湛發見見精映色結色成根根元
目為清淨四大因名眼體如蒲萄朶浮根四
塵流逸奔色由動靜等二種相擊於妙圓中
黏湛發聽聽精映聲卷聲成根根元目為清
淨四大因名耳體如新卷葉浮根四塵流逸

奔聲由通塞等二種相發於妙圓中黏湛發
麤麤精映香納香成根根元目為清淨四大
因名鼻體如雙垂爪浮根四塵流逸奔香由
恬變等二種相參於妙圓中黏湛發嘗嘗精
映味絞味成根根元目為清淨四大目名舌
體如初偃月浮根四塵流逸奔味由離合等
二種相摩於妙圓中黏湛發覺覺精映觸搏
觸成根根元目為清淨四大目名身體如腰

鼓顙浮根四塵流逸奔觸由生滅等二種相
續於妙圓中黏湛發知知精映法攬法成根
根元目為清淨四大因名意思如幽室見浮
根四塵流逸奔法阿難如是六根由彼覺明
有明明覺失彼精了黏妄發光是以汝今離
暗離明無有見體離動離靜元無聽質無通
無塞礙性不生非變非恬嘗無所出不離不
合覺觸本無無滅無生了知安寄汝但不循

○ 動靜合離恬變通塞生滅明暗如是十二諸
有為相隨拔一根脫黏內伏伏歸元真發本
明曜曜性發明諸餘五黏應拔圓脫不由前
塵所起知見明不循根寄根明發由是六根
互相為用阿難汝豈不知今此會中阿那律
陀無目而見跋難陀龍無耳而聽旻伽神女
非鼻聞香驕梵鉢提異舌知味舜若多神無
身覺觸如來光中映令暫現既為風質其體

元無諸滅盡定得寂聲聞如此會中摩訶迦
葉久滅意根圓明了知不回心念阿難今汝
諸根若圓拔已內瑩發光如是浮塵及器世
間諸變化相如湯消冰應念化成無止知覺
阿難如彼世人聚見於眼若令急合暗相現
前六根黯然頭足相類彼人以手循體外繞
彼雖不見頭足一辨知覺是同緣見目明暗
成無見不明目發則諸暗相永不能昏根塵

既銷云何覺明不成圓妙
阿難白佛言世尊如佛說言曰地覺心欲求
常住要與果位名目相應世尊如果位中菩
提涅槃真如佛性菴摩羅識空如來藏大圓
鏡智是七種名稱謂雖別清淨圓滿體性堅
凝如金剛王常住不壞若此見聽離於明暗
動靜通塞畢竟無體猶如念心離於前塵本
無所有云何將此畢竟斷滅以為修因欲獲

如來七常住果世尊若離明暗見畢竟空如
無前塵念自性滅進退循環微細推求本無
我心及我心所將誰立目求無上覺如來先
說湛精圓常違越誠言終成戲論云何如來
真實語者惟垂大慈開我蒙恬佛告阿難汝
學多聞未盡諸漏心中徒知顛倒所回真倒
現前實未能識恐汝誠心猶未信伏吾今試
將塵俗諸事當除汝疑即時如來勅羅睺羅

擊鐘一聲問阿難言汝今聞不阿難大眾俱
言我聞鐘歇無聲佛又問言汝今聞不阿難
大眾俱言不聞時羅睺羅又擊一聲佛又問
言汝今聞不阿難大眾又言俱聞佛問阿難
汝云何聞云何不聞阿難大眾俱白佛言鐘
聲若擊則我得聞擊久聲銷音響雙絕則名
無聞如來又勅羅睺擊鐘問阿難言爾今聲
不阿難大眾俱言有聲少選聲銷佛又問言

爾今聲不阿難大衆答言無聲有頃羅睺更
來撞鐘佛又問言爾今聲不阿難大衆俱言
有聲佛問阿難汝云何聲云何無聲阿難大
衆俱白佛言鐘聲若擊則名有聲擊久聲銷
音響雙絕則名無聲佛語阿難及諸大衆汝
今云何自語矯亂大衆阿難俱時問佛我今
云何名爲矯亂佛言我問汝聞汝則言聞又
問汝聲汝則言聲唯聞與聲報答無定如是

云何不名矯亂阿難聲銷無響汝說無聞若
實無聞聞性已滅同於枯木鐘聲更擊汝云
何知知有知無自是聲塵或有或無豈彼聞
性為汝有無聞實云無誰知無者是故阿難
聲於聞中自有生滅非為汝聞聲生聲滅令
汝聞性為有為無汝尚顛倒惑聲為聞何恠
昏迷以常為斷終不應言離諸動靜閉塞開
通說聞無性如重睡人眠熟牀枕其家有人

於彼睡時擣練舂米其人夢中聞舂擣聲別
作他物或爲擊鼓或爲撞鐘即於夢時自恠
其鐘爲木石響於時忽寤遙知杵音自告家
人我正夢時惑恠舂音將爲鼓響阿難是人
夢中豈憶靜捶開閉通塞其形雖寐聞性不
昏縱汝形銷命光遷謝此性云何爲汝銷滅
以諸衆生從無始來循諸色聲逐念流轉曾
不開悟性淨妙常不循所常逐諸生滅由是

生生雜染流轉若棄生滅守於真常常光現
前根塵識心應時銷落想相為塵識情為垢
二俱遠離則汝法眼應時清明云何不成無
上知覺。

大佛頂如來密因修證了義諸菩薩萬行首
楞嚴經卷第四

音釋

阿練若

梵語也華言無喧雜

渾

徒旱也

羯

羅藍

華言凝滑

遏蒲曇

華言肥即受生托質

之始檀那

華言施

尸羅

華言戒

毘梨耶

華言精進

羸提

華言忍辱

禪那

華言

阿

華言

阿

華言

華言定

般若

華言

般若

華言

波羅

華言

蜜

華言到彼岸六度也

怛闍

華言

阿竭

華言

阿

華言

阿

羅訶

華言應供

三耶

華言

三菩

華言

演

華言

若達

華言

多

華言

相而得也

阿

華言

阿

魑魅

音痴昧山澤之怪也

耶輸陀

華言

羅

華言

須陀洹

華言

果聖人

阿

華言

入流

即初

阿

華言

阿那律陀

釋見二卷

跋難

華言

陀

華言

菟伽

華言

名菟音菟

阿

華言

來河

驕梵

華言

阿

鉢提

華言牛呵

舜若多

釋見三卷

摩訶

華言

迦葉

釋見三卷

菴摩羅

華言

白淨

阿

華言

阿

華言

春

切書

過

音然

數

音

一

一

一

一

一

一

一

一

一

一

一

大佛頂如來密因修證了義諸菩薩萬行首
楞嚴經卷第五

唐天竺沙門般剌密帝譯

阿難白佛言世尊如來雖說第二義門今觀
世間解結之人若不知其所結之元我信是
人終不能解世尊我及會中有學聲聞亦復
如是從無始際與諸無明俱滅俱生雖得如
是多聞善根名為出家猶隔日瘡惟願大慈

哀愍淪溺今日身心云何是結從何名解亦
令未來苦難衆生得免輪迴不落三有作是
語已普及大衆五體投地雨淚翹誠佇佛如
來無上開示爾時世尊憐愍阿難及諸會中
諸有學者亦為未來一切衆生為出世因作
將來眼以閻浮檀紫金光手摩阿難頂即時
十方普佛世界六種震動徼塵如來住世界
者各有寶光從其頂出其光同時於彼世界

來祇陀林灌如來頂是諸大衆得未曾有於
是阿難及諸大衆俱聞十方微塵如來異口
同音告阿難言善哉阿難汝欲識知俱生無
明使汝輪轉生死結根唯汝六根更無他物
汝復欲知無上菩提令汝速證安樂解脫寂
靜妙常亦汝六根更非他物阿難雖聞如是
法音心猶未明稽首白佛云何令我生死輪
迴安樂妙常同是六根更非他物佛告阿難

根塵同源縛脫無二識性虛妄猶如空華阿
難由塵發知因根有相相見無性同於交蘆
是故汝今知見立知即無明本知見無見斯
即涅槃無漏真淨云何是中更容他物爾時
世尊欲墮宣此義而說偈言

真性有爲空 緣生故如幻 無爲無起滅

不實如空華 言妄顯諸真 妄真同二妄

猶非真非真 云何見所見 中間無實性

是故若交蘆 結解同所因 聖凡無二路
汝觀交中性 空有二俱非 迷晦即無明
發明便解脫 解結因次第 六解一亦亡
根選擇圓通 入流成正覺 陀那微細識
習氣成暴流 真非真恐迷 我常不開演
自心取自心 非幻成幻法 不取無非幻
非幻尚不生 幻法云何立 是名妙蓮華
金剛王寶覺 如幻三摩提 彈指超無學

此阿毘達磨 十方薄伽梵 一路涅槃門
於是阿難及諸大衆聞佛如來無上慈誨祇
夜伽陀雜糅精瑩妙理清徹心目開明難未
曾有阿難合掌頂禮白佛我今聞佛無遮大
悲性淨妙常真實法句心猶未達六解一亡
舒結倫次惟垂大慈再愍斯會及與將來施
以法音洗滌沉垢即時如來於師子座整涅
槃僧欽僧伽~~攬~~攬七寶几引手於几取劫波

羅天所奉華巾於大眾前縮成一結示阿難
言此名何等阿難大眾俱白佛言此名為結
於是如來縮疊華巾又成一結重問阿難此
名何等阿難大眾又白佛言此亦名結如是
倫次縮疊華巾總成六結一一結成皆取手
中所成之結持問阿難此名何等阿難大眾
亦復如是次第誦佛此名為結佛告阿難我
初縮巾汝名為結此疊華巾先實一條第二

第三云何汝曹復名為結阿難白佛言世尊
此寶疊華緝績成巾雖本一體如我思惟如
來一綰得一結名若百綰成終名百結何況
此巾祇有六結終不至七亦不停五云何如
來祇許初時第二第三不名為結佛告阿難
此寶華巾汝知此巾元止一條我六綰時名
有六結汝審觀察巾體是同因結有異於意
云何初綰結成名為第一如是乃至第六結

生我今欲將第六結名成第一不不也世尊
六結若存斯第六名終非第一縱我歷生盡
其明辯如何令是六結亂名佛言如是六結
不同循願本目一中所造令其雜亂終不得
成則汝六根亦復如是異竟同中生畢竟異
佛告阿難汝必嫌此六結不成願樂一成復
云何得阿難言此結若存是非鋒起於中自
生此結非彼彼結非此如來今日若總解除

結若不生則無彼此尚不名一六云何成佛
言六解一止亦復如是由汝無始心性狂亂
知見妄發發妄不息勞見發塵如勞目睛則
有狂華於湛精明無因亂起一切世間山河
大地生死涅槃皆即狂勞顛倒華相阿難言
此勞同結云何解除如來以手將所結巾偏
掣其左問阿難言如是解不不也世尊旋復
以手偏牽右邊又問阿難如是解不不也世

尊佛告阿難我今以手左右各牽竟不能解
汝設方便云何解成阿難白佛言世尊當於
結心解即分散佛告阿難如是如是若欲除
結當於結心阿難我說佛法從因緣生非取
世間和合麤相如來發明世出世法知其本
目隨所緣出如是乃至恒沙界外一滴之雨
亦知頭數現前種種松直棘曲鶴白烏玄皆
了元由是故阿難隨汝心中選擇六根根結

若除塵相自滅諸妄銷亡不真何待阿難我
今問汝此劫波羅巾六結現前同時解縈得
同除不不也世尊是結本以次第綰生今日
當須次第而解六結同體結不同時則結解
時云何同除佛言六根解除亦復如是此根
初解先得人空空性圓明成法解脫解脫法
已俱空不生是名菩薩從三摩地得無生忍
阿難及諸大衆蒙佛開示慧覺圓通得無疑

惑一時合掌禮雙足而白佛言我等今日
身心皎然快得無礙雖復悟知一六正義然
猶未達圓通本根世尊我輩飄零積劫孤露
何心何慮預佛天倫如失乳兒忽遇慈母若
復因此際會道成所得密言還同本悟則與
未聞無有差別惟垂大悲惠我祕嚴成就如
來最後開示作是語已互體投地退藏密機
冀佛冥授爾時世尊普告衆中諸大菩薩及

諸漏盡大阿羅漢汝等菩薩及阿羅漢生我
法中得成無學我今問汝最初發心悟十八
界誰為圓通從何方便入三摩地

憍陳那五比丘即從座起頂禮佛足而白佛
言我在鹿野及於雞園觀見如來最初成道
於佛音聲悟明四諦佛問比丘我初稱解如
來印我名阿若多妙音密圓我於音聲得阿
羅漢佛問圓通如我所證音聲為上

優婆尼沙陀~~即~~從座起頂禮佛足而白佛言
我亦觀佛最初成道觀不淨相生大厭離悟
諸色性以從不淨白骨微塵歸於虛空空色
二無成~~無~~學道如來印我名尼沙陀塵色既
盡妙色密圓我從色相得阿羅漢佛問圓通
如我所證色因為上
香巖童子即從座起頂禮佛足而白佛言我
聞如來教我諦觀諸有為相我時躡佛宴悔

清齋見諸比丘燒沉水香香氣窈然來入鼻
中我觀此氣非木非空非煙非火去無所著
來無所從由是意銷發明無漏如來印我得
香嚴號塵氣倏滅妙香蜜圓我從香嚴得阿
羅漢佛燃圓通如我所證香嚴為上

藥王藥上二法王子并在會中五百梵天即
從座起頂禮佛足而白佛言我無始劫為世
良醫口中嘗出娑婆世界草木金石名數九

有十萬八千如是悉知苦醋鹹淡甘辛等味
并諸和合俱生變異是冷是熱有毒無毒悉
能徧知承事如來了知味性非空非有非即
身心非離身心分別味因從是開悟蒙佛如
來印我昆季藥王藥上二菩薩名今於會中
為法王子因味覺明位登菩薩佛問圓通如
我所證味因為上

跋陀婆羅并其同伴十六開士即從座起頂

禮佛足而白佛言我等先於威音王佛聞法
出家於浴僧時隨例入室忽悟水日既不洗
塵亦不洗體中間安然得無所有宿習無忘
乃至今時從佛出家令得無學彼佛名我跋
陀婆羅~~如~~解宣明成佛子住佛問圓通如我
所證觸因為上

摩訶迦葉及紫金光比丘尼等即從座起頂
禮佛足而白佛言我於往劫於此界中有佛

出世名日月燈我得親近聞法修學佛滅度
後供養舍利然燈續明以紫金光塗佛形像
自爾以來世世生生身常圓滿紫金光聚此
紫金光也五尼等即我眷屬同時發心我觀
世間六塵變壞唯以空寂修於滅盡身心乃
能度百千劫猶如彈指我以空法成阿羅漢
世尊說我頭陀為最妙法開明銷滅諸漏佛
問圓通如我所證法因為上

阿那律陀即從座起頂禮佛足而白佛言我
初出家常樂睡眠如來訶我為畜生類我聞
佛訶啼泣自責七日不眠失其雙目世尊示
我藥見照明金剛三昧我不同眼觀見十方
精真洞然如觀掌果如來印我成阿羅漢佛
問圓通如我所證旋見循元斯為第一
周利槃特迦即從座起頂禮佛足而白佛言
我闕誦持無聞避竅初值佛聞法出家憶

持如來一句如陀。於一百日得前遺後得。
遺前。佛愍我愚。教我安居調出入息。我時觀
息微細。窮盡生住異滅。諸行剎那。其心豁然。
得大無礙。乃至漏盡成阿羅漢。住佛座下。印
成無學。佛問圓通。如我所證。反息循空。斯為
第一。

憍梵鉢提。即從座起。頂禮佛足。而白佛言。我
有口業。於過去劫。輕弄沙門。世世生生。有牛

叨病。如來示我一味清淨心地法門。我得滅
心。入三摩地。觀味之知。非體非物。應念得超
世間諸漏。內脫身心。外遺世界。遠離三有。如
鳥出籠。離垢銷塵。法眼清淨。成阿羅漢。如來
親印。登然學道。佛問圓通。如我所證。還味旋
知。斯為第一。

畢陵伽婆蹉。即從座起。頂禮佛足。而白佛言。
我初發心。從佛入道。數聞如來說諸世間憶

可樂事。乞食城中。心思法門。不覺路中。毒
傷足。舉身疼痛。我念有知。知此深痛。雖覺覺
痛。覺清淨心。無痛痛覺。我久思惟。如是一身
寧有雙覺。猶念未久。身心忽空。三七日中。諸
漏虛盡。成阿羅漢。得親印記。發明無學。佛問
圓通。如我所證。純覺遺身。斯為第一。
須菩提。即從座起。頂禮佛足。而白佛言。我曠
劫來。心得無礙。自憶受生。如恒河沙。初在母

胎。即知空寂。如是乃至十方成空。亦令衆生
證得空性。蒙如來發性覺真空。空性圓明。得
阿羅漢。頓入如來寶明空海。同佛知見。印成
無學。解脫性空。我為無上。佛問圓通。如我所
證。諸相非非。非所非盡。旋法歸無。斯為第一。
舍利弗。即從座起。頂禮佛足。而白佛言。我曠
劫來。心見清淨。如是受生。如恒河沙。世出世
間。種種變化。一見則通。獲無障礙。我於中路。

逢迦葉波兄弟相逐。宣說因緣。悟心無際。
佛出家。見覺明圓。得大無畏。成阿羅漢。為佛
長子。從佛口生。從法化生。佛問圓通。如我所
證。心見發光。光極知見。斯為第一。
普賢菩薩。即從座起。頂禮佛足。而白佛言。我
已曾與恒沙如來。為法王子。十方如來。教其
弟子。菩薩根者。修普賢行。從我立名。世尊。我
用心聞。分別衆生。所有知見。若於他方。恒沙

界外有一衆生。心中發明普賢行者。我於爾
時乘六牙象。分身百千皆至其處。縱彼障深
未得見我。我與其人暗中摩頂擁護安慰。令
其成就。佛問圓通。我說本因。心聞發明。分別
自在。斯為第一。

孫陀羅難陀。即從座起。頂禮佛足。而白佛言。
我初出家。從佛入道。雖具戒律。於三摩地。心
常散動。未獲無漏。世尊教我及拘絺羅觀息憶

端白。我初諦觀。經三七日。見鼻中氣出入。煙。身心內明。圓洞世界。徧成虛淨。猶如琉璃。煙相漸消。鼻息成白。心開漏盡。諸出入息。化為光明。照十方界。得阿羅漢。世尊記我當得菩提。佛問圓通。我以消息。息久發明。明圓滅漏。斯為第一。

富樓那彌多羅尼子。即從座起。頂禮佛足。而白佛言。我曠劫來。辯才無礙。宣說苦空。深達

實相。如是乃至恒沙如來祕密法門。我於衆
中。微妙開示。得無所畏。世尊知我有大辯才。
以音聲輪教我發揚。我於佛前助佛轉輪。曰
師子吼。成阿羅漢。世尊印我說法無上。佛問
圓通。我以法音降伏魔怨。消滅諸漏。斯為第

一

優波離即從座起。頂禮佛足。而白佛言。我親
隨佛踰城出家。親觀如來六年勤苦。親見。意

來降伏諸魔。制諸外道。解脫世間貪欲諸心。
承佛教戒。如是乃至三千威儀。八萬微細性
業。遮業悉皆清淨。身心寂滅。成阿羅漢。我是
如來衆中。獨記親印我心。持戒修身衆。推為
上。佛問圓通。我以執身。身得自在。次第執心。
心得通達。然後身心一切通利。斯為第一。
大目犍連。即從座起。頂禮佛足。而白佛言。我
初於路乞食。逢遇優樓頻螺伽耶。那提。三迦

葉波宣說如來因緣深義。我頓發心得大通。
達如來惠我袈裟著身。鬚髮自落我遊十方。
得無罣礙神通發明。推為無上成阿羅漢。寧
唯世尊十方如來歎我神力。圓明清淨自在。
無畏。佛問圓通我以旋湛。心光發宣如澄濁
流。久成清瑩。斯為第一。
烏舅瑟摩於如來前合掌頂禮佛之雙足。而
白佛言。我常先憶。久遠劫前。性多貪欲。有世意。

出世。名曰空王。說多婁人成猛火聚。教我
觀百骸四肢諸冷煖氣。神光內凝。化多婁心
成智慧火。從是諸佛皆呼名我名為火頭。我
以火光三昧力。成阿羅漢。心發大願。諸佛
成道。我為力士。親伏魔怨。佛問圓通。我以諦
觀身心煖觸。無礙流通。諸漏既銷。生大寶焰。
登無上覺。斯為第一。
持地菩薩即從座起。頂禮佛足。而白佛言。我

念往昔。普光如來出現於世。我為比丘。常於一切要路津口。田地險隘。有不如法妨損車馬。我皆平填。或作橋梁。或負沙土。如是勤苦。經無量佛。出現於世。或有衆生。於闍闔處。要人擎物。我先為擎。至其所詣。放物即行。不取其直。毗舍浮佛現在世時。世多饑荒。我為負人。無問遠近。唯取一錢。或有車牛被於泥溺。我有神力。為其推輪。拔其苦惱。時國大王。見我

佛設齋。我於爾時平地待佛。毗舍如來摩訶
謂我當平心地。則世界地一切皆平。我即心
開。見身微塵。與造世界所有微塵。等無差別。
微塵自性。不相觸摩。乃至刀兵。亦無所觸。我
於法性悟無生忍。成阿羅漢。迴心今入菩薩
位中。聞諸如來宣妙蓮華佛知見地。我先證
明而為上首。佛問圓通。我以諦觀身界二塵
等無差別。本如來藏。虛妄發塵。塵銷智圓。成

無上道。斯為第一。

月光童子即從座起。頂禮佛足。而白佛言。我憶往昔恒河沙劫。有佛出世。名為水天。教諸菩薩修習水觀。入三摩地。觀於身中水性。無奪。初從涕唾。如是窮盡津液精血。大小便利。身中旋復。水性一同。見水身中。與世界外。浮幢王刹。諸香水海。等無差別。我於是時。初成此觀。但見其水。未得無身。當為比丘室中。定意。

禪。我有弟子闌窓觀室。唯見清水。徧在室中。了無所見。童稚無知。取一瓦礫投於水內。激水作聲。顧盼而去。我出定後。頓覺心痛。如舍利弗遭遺害鬼。我自思惟。今我已得阿羅漢道。久離病緣。云何今日忽生心痛。將無退失。爾時童子捷來我前。說如上事。我則告言。汝更見水。可即開門。入此水中。除去瓦礫。童子奉教。後入定時。還復見水。瓦礫宛然。開門除

出。我後出定。身質如初。逢無量佛。如是乃至
山海自在通王如來。方得止身。與十方界諸
香水海。性合真空。無二無別。今於如來得童
真名。預菩薩會。佛問圓通。我以水性一味流
通。得無生忍。圓滿菩提。斯為第一。

瑠璃光法王子。即從座起。頂禮佛足。而白佛
言。我憶往昔恆沙劫。有佛出世。名無量聲。
開示菩薩本覺妙理。觀此世界及衆生身上。

是妄緣風力所轉。我於爾時觀界安立。觀世
動時。觀身動止。觀心動念。諸動無二。等無差
別。我時覺了此羣動性。來無所從。去無所至。
十方微塵。顛倒眾生。同一虛妄。如是乃至三
千大千一世界內所有眾生。如一器中貯百
蚊蚋。啾啾亂鳴。於分寸中鼓發狂鬧。逢佛未
筭得無生忍。爾時心開。乃見東方不動佛國。
為法王子。事十方佛。身心發光。洞徹無礙。佛

問圓通。我以觀察風力無依。悟菩提心。入三摩地。合十方佛傳一妙心。斯為第一。虛空藏菩薩即從座起。頂禮佛足。而白佛言。我與如來定光佛所得無邊身。爾時手執四大寶珠。照曜十方微塵佛刹。化成虛空。又於自心現大圓鏡。內放十種微妙寶光。流灌十方盡虛空際。諸幢王刹。來入鏡內。涉入我身。身同虛空。不相妨礙。身能善入微塵國土。廣

行佛事得大隨順。具大神力。由我諦觀四大
無依妄想生滅。虛空無二。佛國本同。於同發
明。得無生忍。佛問圓通。我以觀察。虛空無邊。
入三摩地。妙力圓明。斯為第一。
彌勒菩薩即從座起。頂禮佛足。而白佛言。我
憶往昔。經微塵劫。有佛出世。名日月燈明。我
從彼佛而得出家。心重世名。好遊族姓。爾時
世尊教我修習唯心識定。入三摩地。歷劫已

來。以此三昧事恒沙佛。求世名心歇滅無有。
至然燈佛出現於世。我乃得成無上妙圓識
心三昧。乃至盡空如來國土。淨穢有無。皆是
我心變化所現。世尊我了如是唯心識。故識
性流出無量如來。令得授記。次補佛處。佛問
圓通。我以諦觀十方唯識。識心圓明。入圓成
實。遠離依他。及徧計執。得無生忍。斯為第一
大勢至法王子。與其同倫五十二菩薩。即後

座起。頂禮佛足。而白佛言。我憶往昔恒河沙劫。有佛出世。名無量光。十二如來相。經一劫。其最後佛名超日月光。彼佛教我念佛三昧。譬如有人。一專為憶。一人專忘。如是二人。若逢不逢。或見非見。二人相憶。二憶念深。如是乃至從生至生。同於形影。不相乖異。十方如來。憐念衆生。如母憶子。若子逃逝。雖憶何為。子若憶母。如母憶時。母子廕生。不相違遠。若

衆生心憶佛念佛。現前當來必定見佛。去佛
不遠。不假方便。自得心開。如染香人。身有香
氣。此則名曰香光莊嚴。我本因地。以念佛心
入無生忍。今於此界。攝念佛人。歸於淨土。佛
問圓通。我無選擇。都攝六根。淨念相繼。得三
摩地。斯為第一。

大佛頂如來密因修證了義諸菩薩萬行首
楞嚴經卷第五

音釋

瘡

逆切

約

糝

女救切

推也

切

攬

覽音

綰

烏板切

緝

入

績

倉

何

則力切

掣

尺列切

紫

於營切

倏

叔音

伺

而音

推

詩也

蹉

何

倉

何

切

隘

烏介切

閑

音還

關

胡對切

推

也

液

也

液

也

液

也

液

夷蓋切

漩

自宣切

獲

房六切

抖

音擻

癩

也

液

也

液

也

液

也

液

隆音

稚

音利

礫

音啾

啾

即留切

此寶疊華此寶華巾

二寶字

會

解俱寶字

今依梵夾

字

字

字

字

是非蜂起

會解

及諸

無漏

大阿

羅漢

梵夾

漏盡

盡

盡

盡

盡

盡

盡

大阿
羅漢

我無始劫
量劫
無

我時覺了此羣動

性
會

解了覺此羣動
依梵夾為順
性